

治臺必告錄

治臺必告錄卷六目錄

平臺樂言

丁曰

署理藩司恭謝天恩摺

補授臺灣道謝恩摺

諭同誅首惡解散脅從札示

由省對渡添調丁勇迅籌勦辦摺

彰境開仗連日大捷並南路各營獲勝摺

出力員弁擬行奏獎恭候命下片

勦破葭投老巢撲滅巨股彰化大肚溪以北一律肅清摺

曾師克復彰化暨貓霧地方并各要隘摺

克復彰城斗六並攻克山路坑莊擬卽移師赴嘉搜捕到

郡接印摺

會奏生擒偽東王戴萬生等勦滅巨股會匪彰屬西南大

路肅清摺

會擒首逆沿途搜捕凱旋赴郡到任摺

到郡舉行歲科兩試片

奏請 頒鑄臺灣道關防片

加按察銜謝 恩摺

彰屬餘匪復行勾結思逞摺

會攻小埔心生擒偽西王陳啞狗弄張三顛等總辦摺  
酌帶精勇督飭勦捕查辦先後事宜摺

治臺必告錄卷之六

總理丁曰健述安

平臺藥言

曰健由乙未科舉人於道光二十三年揀發來閩二十七年受知於

前陞任山東巡撫陳方伯委署鳳山縣適逢楠梓坑樹旗滋草當即督勇撲滅今

陞任大中丞前臺灣道以健蒞任未及三月保薦不遺餘力嗣而任嘉義則有格殺王湧平定分類及撲滅洪紀樹旗之

奏續任鹿港。又有圍擊股首曾雞角之奏。任淡水則又兩次平定分類及克復雞籠。格殺擒獲黃位餘黨之奏。大中丞前在臺灣。刻刻以除暴安良爲急務。於健尤殷殷垂注。感深刻骨不料。

大中丞於咸豐四年離臺灣。而營規吏治風氣爲之大變。前鎮邵委缺。以得財爲次第。文員亦相習成風。下屬相率效尤。甚至得匪百餘元數百元不等。撫而爲營書爲募兵。廳縣亦撫匪爲總董頭人。竟給與頂戴。以示優異。毫無緝捕實事。大開賞盜之風。益縱害民之虐。邵鎮尤恨健之持正。多

方排擠。不得已至九年請客內渡。原爲歸田計也。因時值  
多事。道途梗塞。隨俗浮沉。竊見臺灣釀禍已深。加以疊次  
調勇。臺灣道府兩庫。墊付已空。臺勇知內地虛實。回臺必  
生異心。健早爲隱憂。形諸詞色。同治元年三月。彰化失守。  
孔道殉難。海外仰望。前署臺鎮曾玉明回臺。斯時在福甯  
府北路防堵。當道力阻其行。省議以西有崇浦之防。北有  
福鼎之堵。斯時甯紹未復。會垣則五虎門吃重。均說賊已  
逼近郊關。自顧不暇。郊關外之重洋。無兵無餉可撥。且緩  
圖焉。臺灣告急。一月之久。尚無成說。

大中丞於元年夏初莅任。健權糧道篆。力言宜速發兵餉。與前番三年情形不同。

中丞毅然主持。撥餉調兵。曾署鎮亦欣然樂往。以到臺號召自任焉。詎意至鹿。不重進攻。專重計誘。主見已錯。加以前鎮營中大員往援。節節延宕失機。二年五月底新潰。臺灣道洪於六月初憂勞出缺。不但彰嘉賊威而郡城重地已成孤注。鳳山又有閩粵番之隣。北淡水亦搶劫頻仍。人心惶惶。全臺傾覆堪虞。非位高權重。大申軍令。恐難了當此事。

僅一道員未足統攝。

中丞焦勞尤甚。健前在藩署十月。積勞成疾。於二年正月初七日。用紅白印稟詳陳乞退。又於二月交卸藩篆。力陳手足麻木。起立不穩。情形復於四月在

左制軍行營。又稟精神不能復元。各在案。但使精力稍可支撑。向非推諉畏事之人。何敢自棄。無如頭昏心悸。恍惚善忘。拜跪維艱。已成病廢。決難出山。謬承

諸君子下訪。有不能已於言者。曰平臺樂言。願舉以告。諸宦好之渡海者。服是藥而沉疴或起。則捷音可俟焉。謹將

六條欵臚列於後。

一、籌餉宜寬備也。臺地自咸豐三年以來，捐輸已空，刻又蔓延至一年半矣。產業爲匪所佔，官幕紳商出資相助者，又復一載無可搜括。質之新來內地請餉各員，皆云眼前極少亦須二十萬，此後定須月月接濟等語。從前在糧署任內見有籌六十萬兩而出師者，似乎二十萬兩尚可設措。同心合作，共襄盛舉，以救百萬生靈，而固七省門戶爲幸。不乘此時力救，設或傾陷，則珠還更費財矣。

一生力軍宜速調也。自漳州繼鎮殉難於杭城，精兵數千皆

失眼。前漳泉各營無可籌撥。臺灣回臺者又復爲賊。前此林文明之回臺舉行圓練竟不能辦。各地賊莊林立似宜速請威望素著之營撥精勇三四千。選將帶往爲是。

一賞罰宜嚴申也。查咸豐三年臺邑高鴻飛陣亡先逃守備李雲龍在省正法。叅將富擁兵坐視革職發往軍臺。海外稍知紀律。近年失事貽悞之員一體優卹。刻下新潰之師不聞嚴參恐用命不易也。似當核實辦理以肅軍令。

一行師宜間道出奇也。由省至廈師行十多日。配船又須月餘。由府至彰化四站中隔嘉邑斗六數百里賊莊相聯。如

我師中途失利則大局又敗更不堪設想。若由省對渡淡  
水風順一夕可達雞籠亦四站至彰化道途比由府城嘉  
斗順暢用粵勇由內山以攻彰賊之巢用精勇由大路以  
去山賊之腹兩路夾攻彰城先克復則斗六嘉邑各地可  
漸次芟除郡垣南路亦聞風鎮定矣。

一文武員弁宜慎選也臺地文武習氣太深必須更動另呈  
臺地李紳與省中黃紳一信內言吏治營規大不如前另  
信呈上文員必須帶正途正印三四人佐雜三四人武員  
將弁五六人前福建

劉大中丞刻綠野堂集中內敘張丙陳辦滋事之大由於  
內地擇人之不慎誠哉是言。

前制軍劉巡臺舉以爲法當恪遵焉。

一彰耳克復後餘黨當嚴搜也臺地漏網股匪滋事復起者  
屢見疊出卽如三年洪紀之案乃前叛案內之餘孽也現  
在各地匪勢太熾先去其尤以次清理其黨觀鹿洲先生  
集朱一貴作亂克復後搜除用兵至一年以外現時掃蕩  
非南征北戰年餘之力恐難肅清也子產治鄭先猛武侯  
治蜀從嚴姑息養癥伊於所底前車可鑒不宜再蹈覆轍

至於營規之整頓。吏治之講求。元氣非培養數年不能復。是在善後者之隨時經理。又非一夕所能縷敘也。二年七

月二十四日記

藥言六則。詳細拜讀。籌鈎一則。因此時至爲切要。間道出奇一則。已行之有效矣。當時曾輯五在鹿港得署提之信。陳灼翁屢次函勸由中道疾趨新斗。不知何以定欲繞道郡垣一行。靡費猶小。而錯過機會實大。舍弓鉛而走弓背。誠不知其命意何在。生力軍一則。與閭道同。但靠臺灣之勇。臺灣之兵。瘦弱既已積憤。不知打仗爲

何事領兵官弁遂一意招購。遠延歲月。至於迄無成功。  
壇亦嘗持此議。謂究竟以攻剿爲先。無有不見效驗者。  
所謂不戰不能守。亦不戰不能撫。古人有言。斷非欺我  
也。賞罰一則。尤切中時弊。古云。慈不掌兵。義不掌財。今  
日之所謂慈者。乃直是芘徇耳。法先於親。令行於近。  
台端惟能殺自部之勇。是以能成功耳。前日在木柵片  
刻之談。深佩。

尊論。壇於去歲正月間上條陳於徐大中丞。早議及  
平臺。非武人之事。必得威望素著之文臣爲之。深喜此

言之非出臆斷。究竟胸有詩書。卽有甲兵。彼奮力行間。  
而驟躋節錢。乃戰將非大將也。以後二則。用人則壞。  
不敢顯操議論。搜捕乃題中應有之義。誠如

尊論。非南征北剿。一年以外。斷難威役。而尤以整飭營  
規。爲目前第一吃緊。但願

福星久照是邦。壩當拭目以觀新政焉。唐壩謹注  
署理藩司恭謝

天恩摺

奏爲恭報微臣署理藩司日期叩謝

天恩仰祈

聖鑒事竊臣接奉撫臣徐宗幹札委署理藩司篆務於五月初八日准藩司裕鐸將道字五十三號司印一顆並文卷移交前來當卽恭設香案望

闕叩頭祇領任事臣籍隸順天由道光乙未

恩科舉人揀發福建知縣厯任臺灣廳縣先後因辦理軍務出力

奉

旨以同知直隸州儘先補用並加知府銜

賞戴花翎遵例捐升道員於克復汀州案內奉

上

諭着以道員留閩遇缺卽補欽此奉委署理糧道荷

鴻施之逾格慚報稱之毫無茲復署藩篆用人理財責任綦重。

現在西北兩路防務喫緊加以臺灣會匪肆擾微兵愈急。

籌餉愈難唯有秉承督撫臣設法圖維以資接濟核實撙  
節以杜虛糜地方一切應辦事宜督率屬僚實心經理不  
敢稍存懈忽以冀仰答

高厚鴻慈於萬一所有徵臣接署藩篆日期及感激下忱理合

恭摺叩謝

天恩伏乞

皇太后

皇上聖鑒訓示謹

奏

議政王軍機大臣奉

硃批知道了

補授臺灣道謝

恩摺

奏爲恭謝

天恩仰祈

治臺必告錄

不叢木

聖鑒事。竊臣於本年八月初四日接奉撫臣徐宗幹行知奉  
上諭臺灣道員缺著丁曰健補授欽此恭錄轉行到臣當卽恭  
設香案望

閑叩頭謝

恩伏念臣庸愚下士知識毫無由順天舉人於道光年間揀發  
福建知縣歷任臺灣廳縣十有餘年疊次辦理軍務奉  
旨以同知直隸州儘先補用並加知府銜

賞戴花翎遵例捐陞道員於克復汀州案內奉

上諭著以道員留閩遇缺卽補欽此先後奉委署理糧道藩司

纂務茲復渥荷

聖恩補授臺灣道員缺。

鴻施迥格，感悚難名。竊思臺灣遠隔重洋，孤懸海外，閩粵民番雜處，鎮壓撫綏，在在皆關緊要。辰下彰化首逆竄踞縣城附近匪徒乘機滋擾，節次徵兵進剿，尚未殲除。前道洪毓琛因病開缺，撫臣委臺灣府知府陳懋烈暫行署理。飭臣前往督同籌辦，正在酌調兵勇，籌備餉需，一面配船飛渡，適染受暑疫，醫治甫痊，自揣精力未逮，惟軍務寥寥，敢不迅速啓行，殫心竭力，以冀仰報。

高厚鴻慈於萬一。近聞南路軍情稍鬆。臣卽日由省門對渡淡  
水口岸。督率北路官兵。添調丁勇直搗賊巢。進取彰城。並  
妥爲布置。疎通嘉義中路。前赴臺郡接印。一切稟商督撫  
臣相機趕辦。務期迅掃妖氛。力挽危局。上紓

聖廑除到任日期。及登岸後。查看各路軍情。另行馳稟外。所有  
感激下忱。理合縉摺。恭謝。

天恩伏乞

皇太后

皇上聖鑒。再臣摺借用糧儲。遣脚謹呈摺。臣代遞。合併陳明。謹

奏

議政王軍機大臣奉

硃批知道了欽此

諭同誅首惡解散脅從札示

爲曉諭同誅首惡解散脅從事照得本司道恭膺

簡命特授臺灣道並奉

奏委督辦全臺軍務節制南北各軍先派總帶官田叅將帶  
領省標精兵作爲頭隊渡淡本司道配駕火輪船督帶二  
隊兵勇由五虎口開行已於九月初九日到滬尾登岸調

集舊部閩粵精勇並調各莊練丁連省中續到者雄師逾萬大兵雲集卽由大甲各路進兵直搗彰境賊巢克復彰城廓清嘉義中路滅此而朝食查臺灣之地自古棄置至我

朝始入版圖開闢田疇生齒日眾

列聖厚澤深仁泰養已二百年凡有知識共戴

尊親突有逆賊戴萬生林贊歲等竟敢戕官陷城任意鴟張荼毒我生靈佔踞我城邑實爲天地所不容

王法所難宥又有在官人役及從征沐惠弁勇亦竟甘心從逆

盤踞客大莊。隨同各股首竄擾各處。拒敵官兵。均屬罪大惡極。罪在不赦。在該逆等夜郎自大。妄冀逞志於一時。然試以從前臺匪而論。如朱一貴。林爽。文張丙。陳辦等。聚眾至數十餘萬。大兵一到。無不立就誅戮。卽以近年粵西髮逆而論。如悍賊洪秀全。四眼狗等。早已就誅。卽長髮大逆石達開。率眾十餘萬。竄擾浙閩廣東黔川等省邊境。志在必逞。亦經

四川總督駱 　　於本年夏初。生擒該逆到案。明正典刑。傳首十省。海外遊魂。不知内地軍威大振。發逆已殲除殆

盡。尚敢鼓惑鄉愚。蓄留長髮。尤爲可恨可笑。藐茲跳梁小醜。不難聚而殲旃。但不敵而誅。於心有所不忍。用特分別

等差於刑威撻伐之中。仍寫憐恤生成之意。

合先劉切爲  
合亟札鈞

此示仰各屬鄉莊紳耆總董暨居民屯番人等知悉。須知

綱常大義。萬古爲昭。不臣當誅。千秋常典。該紳耆總董義

首屯弁諒。皆志切同仇。心存報國。一俟大兵到地。能獻城

邑。擒首逆者受上賞。毀賊莊。擒股首者次之。能勸令各股

匪首自行投誠者。又次之。至於被脅各莊內。皆良民。因懼

賊蹂躪。官又未到。無可如何。暫行附賊。以保身家者。情殊

可原皆不究問。卽有從逆日久之犯。但能解散歸莊。或自行受撫。姑免深究。能於擒獲黨類。或斬正賊首級來獻。亦准以功抵罪。若果能擒誅逆首重犯。仍當破格優獎以示鼓勵。本公司道在臺灣歷任廳縣十有餘年。刻刻以除暴安良爲念。眾所共知。茲來救民水火。共登衽席。故不憚懼。切告誠各官員猛醒。免致噬臍母違。特示該總董義首屯弁等務須實力。遵辦切勿陽奉陰違。

遠自千重咎凜之慎之 同治二年九月 日

由省對渡添調丁勇迅籌勦辦摺

奏爲出師放洋。由省對渡淡水滬口登岸。現擬添調丁勇迅

籌剿辦大概情形。恭摺馳陳仰祈。

聖鑒事。竊臣於本年八月十八日具摺叩謝。

天恩謹呈撫臣徐宗幹附驛恭遞在案。旋奉撫臣札飭督辦全

臺軍務。調度各路官兵。任懼弗勝。而責無可諉。轉瞬冬收

時屆。搶割頻仍。盜糧齎足。勢恐滋蔓。趁此時饑而剿之。刻

難延緩。隨稟商撫臣飭挑省兵四百名。派參將田如松總

帶。作爲頭隊。催於九月初四日配船先發。海洋風汎靡常。

又恐商船未能速渡。臣督同解駒委員暨親軍人等。足駕

輪船。於九月初七日自省城羅星塔登舟。初八日駛至五

虎口門初九日收泊淡水之滬尾口登岸。初十日馳至艋舺。先後接見署淡水同知鄭元杰委員同知銜候補知縣白驥良并紳士耆民人等。查詢各路軍情。據稱戴林各逆竄陷彰化斗六已後滋擾嘉郡蔓延淡界南北三百餘里。道途梗塞。文報難通。從前官兵觀望。加以調赴浙營各臺勇大半籍隸彰化向與賊黨習熟。自奉撤回臺被賊誘惑。反教賊以戰守之法。賊膽愈張。近日傳聞郡嘉軍務略鬆。革提督臣吳鴻源攻破南靖莊後。進剿新港未下暑提督臣曾元福攻破大岸頭各莊後。病回鹿港就醫。現甫痊愈。

欲至嘉營接印臺灣鎮臣曾玉明仍紮水圳橋一帶彰化  
縣凌定國激勵粵莊義民進紮湖仔內各莊所有彰淡交  
界之水陸兩路如梧棲港岸裡社等處則有候補道區天  
民所派之補用同知知縣王禎都司銜值先守備鄭榮提  
舉銜候補通判張世英義首羅冠英等軍分紮迷盜賊力  
保淡水大甲門戶艱於經費尚稽前進各路良民均欲舉  
義帮官惜軍威未振無所持倡等語覆查臺灣爲七省門  
戶安危大局攸關現在用兵道路彰城斗六爲賊久據自  
臺郡嘉義北剝匪莊林立未免賊逞勢勞自淡水太甲南

攻地處險峻可以居高臨下臣在省時蒙撫臣面授機宜。由省對渡淡水登岸固恐由廈渡臺道途紓遠抑取其形勢之所利也惟現欲沿海道以攻彰自梧棲港以下設投注水裡港一帶均有悍匪虧聚欲由山路以攻彰自岸裡社以往則犁頭店四塊厝等處亦爲各逆據巢嘉鹿各營兵勇雖多藉口積欠竟有譁潰復與臣途次行營聲勢阻隔至駐紮彰淡交界之張世英王賴等兩營防剿日久撤去餓疲留用精壯其力亦單臣隨帶之省兵至今尚未到齊且爲數有限非就淡水添募多名不足以撲滅逆氛而

鼓舞眾志。臣前任淡水同知時於咸豐四年間剿克小刀  
會匪黃位等各逆所用得力總理義首大半尚在藍翎六  
品銜范義庭等向隨臣克復雞籠戰功卓著於全臺民情  
地利俱極熟諳卽飭該員同各總理人等招募親信丁勇  
前赴竹塹城聽候分別挑選調用去後臣連日派弁由海  
道咨會彰嘉各營弁飛移前守斗六後解嘉園現調署彰  
化協之湯得陞率帶兵勇由西螺虎尾溪一帶而上聯絡  
彰化縣凌定國所率義民赴期會剿一面飛飭署臺灣道  
之臺灣府陳懋烈移催署臺灣城守營參將關鎮國率駕

紅單炮船。赴梧棲港口。會同王楨所帶勇丁。合攻葭投莊等處。疎通鹿港後路。另派員弁督率精銳。由內山岸裡社協助張世英之師。直搗賊巢。臣親督大隊。擬由牛罵頭直剿竹坑。收復大肚溪。先克彰城。次取斗六。探賊情之虛實。定進取之機宜。四面環攻。水陸並舉。不敢遷延貽誤。以期仰慰。

聖懷除將一切軍情隨時繕摺馳陳外。所有出師。放洋。由省對渡淡水。滬口登岸日期。現擬添調丁勇。迅籌剿辦。大概情形。恭摺由驛四百里馳奏。再淡水并隣界之噶瑪蘭廳地。

皇太后

皇上聖鑒謹

奏

再撫臣於上年十二月間奏明來臺幫辦軍務並查察情形之員外郎銜候選主事周懋琦前在嘉義各軍營深悉賊情本年五月間准前臺灣道臣洪毓琛移請內渡稟陳機宜請發餉項於六月間晉省該主事習練兵事臣起程時邀令同渡來淡以資贊助謹附片具

奏伏乞

聖鑒謹

奏

此摺奉

上諭列在二次奏稿

彰境開仗連日大捷並南路各營獲勝摺

奏爲親統兵勇沿途剿辦直抵彰境進搗逆巢水陸兩翼連日大捷斷賊糧道並南路各營獲勝暨現在布置情形恭

摺馳陳仰祈

聖鑒事竊臣於本年九月十六日行抵淡水途次謹將登岸後添調兵勇籌辦大概情形具摺由驛四百里馳奏在案旋聞草提督臣吳鴻源於九月初八夜攻破嘉義逆首嚴辦所踞之新港署水提臣曾元福於九月初十日自鹿港率帶兵勇由水道駛往嘉義軍營於是月二十一日接印逆首陳啞狗僨知曾元福一軍既赴嘉邑所有彰屬之王宮二林等處義民莊已無援救遂通知嘉連嚴辦招集清匪再抗嘉邑北上之師該逆由小埔心派匪攻打王宮二林等庄親率悍匪至寶斗一帶圍攻署彰化縣知縣凌定國

所紮湖仔內各營。臣飛飭凌安國提防。並飭鹿港同知興廉。激勸局紳等接濟鉛藥。俾無缺悞。並函致署提督臣會元福。卽日北剿。以牽賊勢去後。復據探丁並土人密稟彰化城內逆首林晟陳鯤等。探臣已抵淡水。不日大舉。妄欲阻截臣部進攻之路。密派奸細至淡屬內山蕉坑地方。勾結股首劉阿妹。誘集匪徒。擬於淡屬吞霄後隴等處滋事等語。查內山三汎河蕉坑一帶。居民稀少。向爲盜竊淵藪。劉阿妹又係著名匪犯。上年曾招致戴萬生林晟等逆攻陷淡屬大甲土城。雖經前署淡水同知通判張世英補用

同知知縣王楨等。趁緊克復。彼時該逆等方欲逞志於嘉義。因而不復再擾。然風謠時起。人心浮動。此時若另生事端。則大甲復失。繫近彰界之梧棲港岸裏社。水陸兩營官軍。後路俱斷。致臣援彰之日無期。計殊狡毒。臣隨派藍翎軍功范義廷。並營弁邵桓帶領新募勇丁。趕赴大甲。暗中彈壓。繼飭主事周懋琦。偕同都司銜署大甲守備陳兆麟。營弁周鳳翔。帶領省兵准備策應。臣輕車減從。行抵吞霄。派義首鄭捷英。莊民鄭阿嬰等。夜入蕉坑。出其不備。掩捕股首劉阿妹。殺死割取首級前來。並搜出紅衣旗幟多件。

劉逆伏誅。被惑土匪。立時竄逃星散。此臣至大甲沿途密  
擊之情形也。大甲人心既定。卽拔營進紮彰化所屬之鰲  
頭。卽牛罵頭。查悉前調會剿之署臺灣城守營參將關鎮  
國。現在會剿嘉逆。尚未到地。而林逆復以截路詭計。被洩  
未成。大兵壓境。膽敢飛囑陳逆啞狗。趕至海峯崙等處。力  
抗凌定國之師。抽調海峯崙悍匪渡大肚溪來援。臣  
恐進攻稽時。於十月十四日。派候補知縣白驥良。營弁侯  
元楨。義首劉維翰。戴朝清。張琳生等。帶粵勇四百名。馳入  
內山四張犁。會同張世英之師千餘名。並義首羅冠英廖

廷鳳等進剿犁頭店一帶賊巢。卽牽制內山逆匪。不能出援。葭投。臣是日率主事周懋琦等至梧棲港一帶。登高察看。熟揣形勢。彰化城北以大肚溪爲險要。大肚溪以葭投莊爲屏障。賊首陳鈞現家於此。該莊長亘十五六里。廣亦四五里。其形如船。東有飯店水師營等莊。如船之柁。而水裏港莊。則接濟葭投糧藥之處。且係由梧棲港以至鹿港之門道。並爲臺灣鎮臣曾玉明軍營後路。由水裏港迤西一帶。福州厝等處數十匪莊。又葭投之藩籬也。欲攻葭投。必先撤其藩籬。絕其糧道。然後截斷其縱。庶易得手。水裏

港各莊外大路偏近海隅，潮水至時，立足不定。官兵屢攻失利，該逆恃以無恐。十五日黎明，派范義廷、紳士舉人蔡鴻猷、丈生蔡懷誠、訓導楊清珠、義首姜殿邦等乘潮未來之前，率帶閩粵各勇練丁共三千餘名，往攻水裏港。派王楨都司銜守備陳捷元、鄭榮義首楊至器等分攻田中央、海陂厝等處。守備陳兆麟率營弁張榮貴余見成等帶領省兵往來策應。自辰至午，各莊踞匪抵死抗拒。官軍奮力猛攻，鎗礮齊施，賊勢不支。陳捷元攻破田中央賊莊，殲斃匪黨三十餘名，奪獲旗幟器械多件。餘匪悉竄入海陂厝。

併力死抗。王楨親放火礮轟塌銳樓五座。鄭榮持刀手刃紅衣賊目一名，刺死踞守銳樓悍賊多名。各匪退守竹園，暗施鎗砲，正在相持。范義庭與陳朝綱、張雲龍、林成施、福楊大旗等，猛攻水裏港莊，端平莊外賊營四座，並焚燒賊舟百餘隻。潮水適至，抽回勇丁，合攻海陂厝，立將該莊砍破竹圍，爭先突入，斃匪五十餘名。生擒紅衣賊目偽先鋒陳火謝連雨，名匪黨十三名。解營訊明正法，搜獲偽印一顆，大銅砲兩尊，偽令旗三枝。十六日夜半，派范義庭、陳捷元、通判王成瑞，指分廣東知縣裘伯玉、彰屬南投縣丞溫

振邦營弁王金亮唐炳銓攻水裏港該逆蛇伏園內以逸待勞希圖潮至後乘勢掩擊時北風大作范義庭等預備草包硫磺火箭等物帶往招呼各勇一齊縱火一面環施鎗砲王楨鄭榮等軍分攻福州厝一帶是日署臺灣南路營參將田如松帶弁卒占春續到省兵一百二十名甫行到營卽飭往助剿臣亦親至陣前督戰各賊莊首尾均自顧不暇水裏港之賊因無援至棄莊突圍沿海而逃無船可覓官軍四面兜擒逼入海中淹斃無算隨潮漂沒時方午刻風力愈猛臣飭各軍趕運柴草並調回范義庭等

所部勇士分投助焚。烟燄騰天，喊聲震地。所有福州厝蕪仔底塗爾窟羊厝莊新莊仔頭湖莊南海埔仔外海埔仔有頭崙八角亭十餘賊莊並無名小莊十餘所。同時燭爲平地。匪眾焦頭爛額死於灰燼瓦砾之場者不計其數。其冲烟冒火而出者經官軍陣斬百餘名。餘匪竄入藪投老巢。十七日整隊徑攻藪投立燈藪投尾莊賊營三座。適值彰化援逆數千廣至首尾分戰斃獲多名。至晚收隊查點減賊三百。兵勇受銳死者四名。受傷者三十餘名。其內山張世英白驥良等軍十五日卯刻率帶兵勇分爲三路。一

由四張犁中路攻石牌莊棋盤厝一由賴厝堵攻何厝莊  
一由堵仔街攻西大墩各匪蜂擁出拒該員等督勇奮力  
爭先陣斬賊黨八名被銳墜崖而死者甚多遂攻破八張  
犁端平何厝莊賊營七座十六日焚燬西大墩外圍十七  
日官軍又獲勝仗佔紫石牌莊棋盤厝等處再圖進取在  
籍捐升參將林文明亦率壯丁在該莊與四塊厝之賊打  
仗得手此臣進紮彰境督辦各軍水陸同舉痛勦賊巢三  
日連獲大捷焚燬各莊斷賊糧道之情形也同日接到彰  
化縣凌定國印稟據稱鹿港同知興廉激勸紳士舉人蔡

德芳等籌備鈎銀購買藥鉛於十月初九初十十一等日  
率守備陳啓祥外委葉保國凌定邦委員沈忠照飛調義  
首陳捷三王啓文等先後攻破竹仔腳龜壳花阿麻厝等  
大小賊莊二十餘處並將海峯崙陳啞狗老巢焚燬生擒  
股首林振一名僞先鋒蔡大柴陳友兩名匪夥十三名陣  
斃匪眾一百餘名遠近被脅各莊望風歸順鹿港至北斗  
大路疏通並准鹿港同知興廉來稟署北協參將湯得陞  
函稱署提督臣曾元福督飭叅將關鎮國自浙回臺之武  
員白瑛等擊斃嘉逆嚴辦進紮石龜溪溪邊厝逼近斗六

力圖進取。此又督催南路軍營，剿辦得手之情形也。伏查  
曾元福一軍已有起色。凌定國一軍新得大捷。臣飛飭凌  
定國取道西螺一帶聯絡。湯得陞、白瑛等迅攻斗六。以擒  
戴逆前於淡水途次。料逆首陳鯉必由彰化調集。悍匪來  
抗大兵。以衛葭投巢穴。臺灣鎮臣曾玉明擁兵久駐水堀  
橋。踞彰城數里。當賊出救葭投之時。正彰城空虛之際。即  
可乘間奪門而入。拔幟先登。已飛函由閒道密商。連日臣  
飭各軍攻破水裏港後。該處至鹿港道路已通。鎮臣軍營  
後患亦絕。復投附近各莊周迴二十餘里。一律剷燬。賊膽

已寒。惟葭投爲賊所必爭之地。其勢愈孤。其援愈急。現擬飛商鎮臣分撥一軍駐紮彰城以北之中藪莊一帶。俾彰化援逆不至紛至沓來。肆無忌憚。並俟葭投攻破正可逼爲會合。盡殲潰匪於大肚溪中。一面嚴飭張世英等急攻西大墩。進取犁頭店。並催林文明迅撥莊丁助勤。勿徒因守霧山。以期截彰化之賊。與內山匪徒往來要隘。但軍情瞬息變遷。等防總期周密。臣會商提鎮督飭在事各員。皆心實力。不敢遷延貽悞。以冀仰慰

聖懷。除將一切軍情隨時繕摺馳陳外。所有督率兵勇沿途剿

辦直抵彰化境內臺灣賊莊二十餘里並各路軍營均獲  
勝仗現在布置緣由。縉摺由驛五百里馳奏再鎮臣軍營  
去臣行營尚遠未及會銜。臣摺仍用淡水同知印信合併

陳明伏乞

皇太后

皇上聖鑒訓示謹

奏

出力員弁擬行奏獎恭候

命下片

治臺必告錄

卷六

再臺灣遠在海外。從征員弁涉歷風濤。諸冒危險。由淡水至彰化境內。沿海一帶。惡溪重疊。其內山尤爲險峻異常。各路賊莊深林密箐。內溝外濠。銳樓環立。賊莊之大者。長廣約十餘里。小者亦俱周圍七八里。五六里不等。又有近海各莊。攻剿須乘潮未來之先。爲時又懶。官軍兵勇攻莊之難。甚於攻城。北路攻莊之難。尤甚於南路。所有臣此次水陸兩軍員弁兵勇紳民人等。三日之內。連破賊莊二十餘里。並無外營會合夾攻。單師分攻。尚屬著有微勞。臣擬俟再有攻剿得手之處。可否擇其尤爲出力者。先行奏乞。

恩施以昭激勵恭候

命下謹附片陳明伏乞

聖鑒訓示謹

奏

同治二年十一月二十二日奉

上諭丁曰健奏出師放洋由省對渡淡水滬口現擬添勇籌劃一摺臺灣匪徒滋事日久亟應速爲剿除以杜蔓延徐宗幹現挑省兵四百名派參將田如松統帶赴臺丁曰健亦自徑渡淡水之滬尾口登岸馳至艋舺著左宗棠徐宗幹卽飭吳

鴻原曾玉明曾元福各軍分路並進。丁曰健卽由淡水大甲而南會齊諸軍進克彰化斗六以期漸次肅清各營兵勇稍欠。卽着設法速行籌給該道現因兵力尚單擬令軍功範義庭等招募勇丁前赴竹塹城聽候調用著卽慎加挑選毋令奸細混跡致與賊匪勾合。丁曰健擬令新募各營及湯得陞所帶兵勇由西螺虎尾溪一帶進發聯絡彰化令凌定國所率義民。趁期會剿。參將關鎮國率駕紅單破船赴梧棲港口會同同知王楨勇丁合攻葭投莊等處疏通鹿港後路並派兵與通判張世英之師直搗賊巢該道卽由牛罵頭直剿竹

坑收復大肚溪。先克彰城，次取斗六。所籌尚合機宜，卽著照所擬辦理。前據徐宗幹奏稱林文察已抵蚶江口，配船候渡。現在已否抵臺，著左宗棠、徐宗幹迅飭該署提督速行渡臺，督兵會剿，毋稍遲緩。正在寄諭間，據丁曰健續奏，直抵彰化逆巢，連獲大捷，並請將出力官紳兵勇等擇保各摺片。此次丁曰健由淡水進至大甲，將匪首劉阿妹掩捕正法。派勇馳往內山犁頭店一帶賊巢，羣擊內山逆匪，不令出援護。而親至梧棲港，派撥勇練分路進攻彰化境內賊巢，連日陸續攻破田中央、海坡厝水裏港、福州厝各賊莊，並將滬仔底等。

十餘莊及無名小莊十餘所。同時平燬復將霞投尾莊外賊營三座。及八張犁何厝莊賊營七座焚燬斷賊糧道。其凌定國一軍亦先後攻破竹仔腳等大小賊莊二十餘處。並海峯崙陳啞狗老巢焚燬。生擒逆首林振等十三名。被脅各莊望風歸順。現在鹿港至北斗大路業已疏通。辦理甚爲得手。丁曰健熟悉臺灣情形。且素能與該處紳勇聯絡。此次抵臺後調集鄉團分路剿賊。所向有功。該義勇等隨同出力。亦屬可嘉。著丁曰健卽激勵各義勇等乘勢攻拔霞投。以次進取彰化並飭凌定國等迅拔斗六。殲戴逆一面催督曾元福等會

合夾擊勿任延宕。所有此次水陸兩軍出力之員弁兵勇紳  
民人等。着丁曰健暫行存記。俟彰化斗六攻克後。彙集奏請  
獎勵。將此由五百里諭知左宗棠徐宗幹並傳諭丁曰健知  
之。欽此。

勦破葭投老巢。撲滅巨股。彰化大肚溪以北一律肅清。摺  
奏爲勦破葭投老巢。撲滅巨股。彰化大肚溪以北一律肅清。  
恭摺馳陳。仰祈

聖鑒。事竊臣於淡水途次謹將登岸後籌辦情形於九月十六  
日具摺奏續行抵彰境。督飭水陸官軍斷賊糧道。連獲勝

捷各情。又於十月十八日具奏各在案。自官軍攻克水裏港。福州厝等數十匪莊。在北路逆勢漸就窮蹙。逆首陳鯤等率潰黨并新到援逆數千人。竄守葭投老巢。臣飛商鎮臣曾玉明乘間急攻彭城。並請撥隊分剿城北之中藥莊等處。以截續援葭。投之賊。旋准鎮臣咨函。以近擊城西之平和。詔安各厝暨崙仔平十二張犁等賊。大獲勝仗。城內悍匪日出撲犯水圳橋營。隨時堵擊等語。熟揣情形。實欲牽分兵力。使不得前來會剿。臣恐頃兵堅巢之下。相持日久。墮賊狡謀。隨於二十一日派補用同知候補知縣王楨。

都司儘先守備鄭榮率同縣丞張國楷等帶勇五百名進  
紮海坡厝。守備陳捷元來臺措資隨營効力之前將樂廳  
知縣區俊營弁莊鴻禧等帶勇五百名進紮福州厝通判  
王成瑞營弁吳春波同勇首姜殿邦等帶粵勇七百名分  
營紮塗角窟頭湖莊藍銅六品銜范義庭率從九品程榮森  
田如松率守備陳兆麟帶省兵四百名進紮田中央紳士  
舉人蔡鴻猷文生員蔡懷斌孟際滋訓導楊清珠等率帶  
壯丁進紮八角亭一帶。臣率營弁江瑛圓縣丞胡培義首

張輔軍施福等帶領親軍四百名移紮三塊厝各營均逼近葭投西北兩面該逆屢次出撲各軍屹立不動迄未能逞。臣飭各營兵勇不分晝夜輪番剿擊該逆抗拒愈勞鉛藥大耗自水裏港經官軍攻破以來截斷海道接濟至是援黨麁聚米糧亦乏該逆窘極思竄於二十五日戌刻傾巢而出猛犯水裏港營范義庭揮軍力擊殲斃匪黨二百餘名臣飭田如松陳捷元鄭榮等各率所部包抄兜剿銳斃陣賊三百餘名餘匪奔路奔回葭投老巢各軍乘勝追擊直抵葭投莊外二十六日自卯至申官軍鎗砲齊施奮

勇爭先躍。濠欲入者數次。忽大雨如注。暫息收隊。是日猛攻六時之久。羣賊膽落。惟查蘋投莊長亘十五六里。廣濶亦四五里。爲大肚溪屏蔽。陳逆踞爲巢穴。深溝固壘。銳櫃砲樓。周列環布。臣恐因獸死鬪。多損士卒。且稽時日。二十八夜適移調淡水在籍紳士花翎鹽運使銜浙江候補道林占梅率試用通判陳尚惠同知職銜翁林萃帶團勇一千名到營候調。員外郎銜主事周懋琦經臣授以機宜飭與該紳士等密商布置。值連宵陰晦。甫於二十九日放晴。交夜半時。林占梅派同知職銜林汝梅職員林元龍等各

帶勇丁乘黑暗之中越山穿林。偃旗息鼓。由間道襲取水  
師營。竹坑。大肚街。山仔頂等處居。護投東南。經勇掩殺之。  
時。臣於四鼓時先派范義庭。蔡鴻猷營弁林登高。另募熟  
諳道路鄉勇三百名。手持前所奪獲之偽令。旂幟。冒充內  
山援逆。徑入護投莊。使陳逆不及分辨。一面飭田如松。陳  
捷元。鄭榮。王楨等率領各軍整隊以待。三十日黎明。林占  
梅所派各勇。由水師營等處。徑攻護投東南。各逆倉惶迎  
拒。礮聲甫發。鄭榮等揮軍由北捨入護投莊內。范義庭。蔡  
鴻猷等伏甲齊起接應。因如松親校大礮轟倒銃樓四座。

各匪戰半自亂。潰散尋隙而逃。卽於是日已時立將護投  
克復。焚燬老巢七座。經官軍圍殺。斃黃衣賊目三名。紅  
衣賊目九名。匪黨三百餘名。生擒偽先鋒陳開基。何仔榮。  
白萬生。偽軍師趙茲。偽旗首莊文龍等五名。均解營訊供  
極刑處死。搜獲偽副元帥木印一顆。大礮三尊。小礮五尊。  
馬二匹。偽令八支。鳥鎗三百十六桿。刀矛器械二百二十  
七件。船十三隻。被脅難民千餘人。押令歸莊各安本業。此  
次収投全股匪徒。殲斃殆盡。軍威大振。大肚溪南被脅各  
莊。望風歸順。無難掃蕩。統計連日陣亡兵勇六名。受傷二

十八名頃接署陸路提督臣林文察來文知於九月十九日抵嘉義城飭伊弟叅將林文明募勇赴嘉臣飛飭該叅將趕緊招募起行與水師提督臣曾元福各軍會攻斗六一面飛請鎮臣撥隊分紮大肚溪南並飭周懋琦范義庭等督帶前隊勇丁迅渡大肚溪進取臣駁日拔隊與鎮臣各軍會合夾攻彰城定可克復以冀仰慰

聖懷除將一切軍情隨時恭摺馳陳外謹將剿破獲投老巢撲滅陳逆巨股自彰化鰲頭地方至大肚溪以北匪莊四十餘里一律肅清各緣由具摺由驛五百里馳奏再鎮臣軍

營尚遠未及會銜。臣摺仍借用淡水同知印。現在收割大熟。冬雨及時。雜糧茂盛。淡蘭各地方民氣安恬。合併陳明。伏乞

皇太后

皇上聖鑒謹

奏

同治二年十二月初六日奉

上諭丁曰健奏剿破葭投老巢。撲滅巨股一摺。臺灣官軍自攻克水裏港。福州厝等處數十匪莊。北路逆匪漸就窮蹙。逆首

陳鯉等率黨亂守葭投老巢。抗拒官軍。經丁曰健派令文武員弁移營進逼。由水師蔡等處奮力進攻。搶入葭投莊內。生擒僞先鋒等多名。全股匪徒殲斃殆盡。立將葭投克復。自彰化釐頭地方至大肚溪以北。匪莊四十餘里一律肅清。著丁曰健乘勝進攻彰城。迅圖克復。以期早日歲事。現在林文察已飭林文明募勇馳赴嘉義縣城。著左宗棠徐宗幹飛飭林文明。趕緊招募齊集起程。會合曾元福各軍進攻。斗六丁曰健亦卽乘此聲勢會合各軍分路進取。迅克彰城。掃清羣孽。毋稍延緩。將此由五百里諭知左宗棠徐宗幹並傳諭丁曰

健知之欽此

會師克復彰化暨貓霧地方并各要隘摺奏爲會師克復彰化縣城。生擒僞副元帥江有仁等逆暨內山官軍擊賊獲勝。克復貓霧巡檢地方并攻克各要隘情形合詞恭摺馳陳仰祈

聖鑒事。竊臣丁曰健前於淡水途次謹將初次登岸後籌辦布置。二次續抵彰境。督飭水陸官軍斷賊糧道。連獲勝捷。三次并剿破藪投老巢。撲滅逆首陳鯤巨股。各情形先後於九月十六日十月十八日十一月初一日恭摺由驛馳奏。

各在案。臣曾玉明自上年帶兵東渡。剿辦彰化逆匪。駐紮鹿港。先期保固完善之地。迨進紮水圳橋地方去彰城僅隔數里。匪莊林立。疊次飭都司游紹芳守備黃炳南。顏逢春。練鋒暨紳士貢生蔡廷元。義首林慶鍾。職員曾雲峯。舉人蔡德芳等。各率兵勇剿破多莊。并派守備陳啓祥等率勇援助署彰化縣知縣凌定國之師。剿克海峯營等處賊巢。惟大肚溪以北。葭投等莊。長亘十餘里。蓮首陳鰐踞爲老巢。東與竹坑水師藔毗連。西與水裏港。福州厝犄角。自水裏港以往。有間道可達鹿港。即旁抄水圳橋大營後路。

羣匪日夕窺伺防堵稍疎。恐爲賊乘。且竹坑等莊爲賊盤踞。大肚溪一帶無兵截擊。內山四塊厝之賊時合彰城悍匪出犯。臣曾玉明營擊此竄彼。兵力不敷堵禦。臣丁曰健督師由淡水至彰境。自十月十五日以後。攻克沿海之水裏港等數十匪莊。彰化城逆出渡大肚溪以援葭投巢穴。自三十日復剿克葭。撲滅巨股。賊勢已衰。溪北肅清。溪南被脅鄉民望風歸順。止附城各匪莊尚懷觀望。十一月初一日卯刻。臣曾玉明飭都司游紹芳帶勇三百名。出剿平和厝。守備顏逢春練鋒等帶陸路提標興化各營兵四

百名分剿楠仔尾。職員曾雲峯等同鹿港同知興廉所派局勇三百名出剿詔安厝各逆均蛇伏竹圍。官軍剿擊數時轟倒銳樓五座。焚燒詔安平和等莊外圍收隊暫息午後復出隊分擊。逆勢不支。各匪竄入城中。是日夜半。臣丁曰健密商鎮臣曾玉明。派紳士舉人蔡鴻猷。訓導楊清珠。生員孟際滋等。覓溪南線民混入彰化城內。初二日辰刻。臣丁曰健派藍翎六品銜范義庭等。帶勇八百名越大肚山而南。進剿柴坑莊。都司陳捷元。通判王成瑞等。帶勇五百名。從大肚中渡。以剿茄冬脚。知縣王楨。守備鄭榮等。帶

勇五百名從大肚下渡沿溪而東與范義庭等軍會合。劉擊紳士鹽運使司銜浙江候補道林占梅亦督圓助剿。臣帶領親軍率參將田如松守備陳兆麟隊目謝雲清等帶省兵四百名分駐於大肚溪南北兩岸以防內山援逆一面飭通判張世英知縣白驥良等帶勇急攻內山之犁頭店等處以分賊勢去後是日自午至申范義庭等各帶兵勇到城奮擊該逆抵死抗拒相持三時之久轟斃多名各逆繞莊四竄臣曾玉明派守備曾大鏞等會同追捕斬馘二百餘級就勢直剿彰城城上鎗礮雨下時交酉刻臣等

飭軍收隊。飽食以待漏下三鼓後。臣等麾軍復攻彰城。該逆仍嬰城固守。忽城中伏火舉發。烈焰燭天。前所未密派之線民。當經早到。候外兵直搗。打開城門。臣曾玉明督同曾雲峯等。首先從西門而入。臣丁曰健。同時督軍從北門而入。城內匪徒狂奔東門而逸。官軍追斬四百餘名。內黃衣賊目四名。搜有一名。身藏千歲偽印一顆。餘匪負傷捨命由八卦山繞道竄入山路。四堵層林逆老巢。守堞悍匪各軍躍級直上。銳斃六十餘名。越城而逃者。經民圍圍斬無算。生擒一十三名。內有偽元帥江有仁一名。偽先鋒陳卯。

余茂勝林寶黃旭日四名訊據江有仁供稱曾隨浙江軍營差用賞有翎頂自奉撤回臺後因與逆首舊識招同入黨受僞封副元帥之職陳卯等逆亦供稱受封僞職疊率悍黨抗拒官軍不諱均屬罪大惡極極刑處死其餘各逆分別正法實足以盡

天討而快人心搜獲奉天承運僞令四支僞獅紐二元帥銀印一顆僞王府千歲木印一顆僞北路大元帥僞總統兵馬糧餉都閩府等木印大小二十七顆銅礮二十五尊鳥鎗百餘桿黃紅旛幟衣帽多件硝磺火藥三十餘石遂於十

一月初三日卯刻將彰化縣城克復。同日接據內山張世英白驥良等來稟。連日克復貓霧巡檢地方并犁頭店西大墩烏日莊等處殲斃紅衣騎馬賊兩名匪夥四十餘名。蘿倒銃櫃共三十餘座。臣等飛飭林文明迅帶團丁與張世英等軍合剿四塊厝林逆老巢。并擬分撥隊伍尅日南下會合署陸提督臣曾元福臣林文察等所部兵勇進攻。斗六土城以擒戴逆一面籌辦善後事宜除陣亡員弁兵勇義民人等分別查明彙案奏請。

恩卹外。此次尤爲出力之花翎都司陳捷元。擬請補缺後以遊擊補用。並加參將銜。都司儘先守備鄭榮。擬請

賞戴花翎。藍翎六品銜。范義庭。擬請給五品銜。並請

賞換花翎。補用同知藍翎福建候補知縣王楨。擬請免補知縣本班。以同知補用。並

賞換花翎。紳士舉人蔡鴻猷。舉人蔡德芳。候選訓導楊清珠。廩生陳捷魁。貢生蔡廷元等五名。擬請給五品銜。均請賞戴藍翎。義首林慶鍾。擬請給六品銜。并

賞戴藍翎。淡水紳士花翎鹽運使銜浙江候補道林占梅。前帶

團練同官軍克復淡屬大甲土城。此次自備資斧募勇平  
名越境隨營助剿得力。該紳官職較優未敢擅擬應如何  
獎勵之處出自

逾格鴻慈。又准留閩省差委之員外郎銜候選主事周懋琦。  
上年經撫臣奏委赴臺幫辦軍務前在嘉義各營商籌堵剿。  
同在事各員力保嘉城。本年五月間內渡赴省請餉接濟。  
稟陳機宜。此次復隨臣丁曰健到臺兩渡重洋不避艱險。

擬請

賞戴花翎。以上文武紳士等實屬最為出力。祇以重洋遠隔往

返遙時。正攻克得手之際。自應仰懇。

恩施現在斗六土城內山巢穴未盡掃除。此次蔓延日久。糾黨亦多。搜捕實需羣力。獎其微勞。正以策其後効。俾海外各員弁紳士等感激圖功。以期迅速蒇事。其餘出力人員俯容臣等會查確實。分別開單請獎。所有會師克復彰化縣城。生擒偽副元帥等各逆。暨內山克復貓霧巡檢地方。暨各要隘各情形。臣等謹合詞恭摺由驛六百里馳奏。上慰聖懷。再臺灣鎮道印信關防。前於彰化斗六兩地被陷時。先後於營中遺失。臣等奏摺借用鹿港同知印信合併陳明。伏

乞

太后

皇上聖鑒訓示謹

奏

同治二年十二月二十四日内閣奉

上諭曾玉明丁曰健奏會師克復彰化縣城並攻克各要隘情形請將出力人員獎勵一摺臺灣逆匪滋事日久經臺灣道丁曰健督飭水陸官軍斷賊糧道三次獲勝攻破設投老巢撲滅陳鈞巨股臺灣鎮總兵曾玉明會克海峯等處賊巢

後復派兵攻燭諸安平和等曆丁曰健會師攻剿柴坑莊等處斬馘二百餘級乘勢進攻彰化縣城內預伏勇丁於夜間舉火。內外夾攻立將城池克復追斬匪徒四百餘名黃衣賊目四名生擒十三名內有偽元帥江有仁偽先鋒陳卯等四名訊明正法並分兵克復貓霧巡檢地方及犁頭店等處剿辦尚屬認真著曾玉明丁曰健迅速督兵將四塊曆斗六兩處賊巢力行掃蕩毋留餘孽所有尤爲出力之都司陳捷元著俟補缺後以遊擊補用並賞加參將銜守備鄭榮著賞戴花翎六品銜范義廷著賞給五品銜並賞換花翎知縣王楨

著免補本班以同知補用。並賞換花翎。舉人蔡鴻猷等五名。  
均著賞給五品銜。並賞戴藍翎。勇首林慶鍾著賞給六品銜。  
並賞戴藍翎。鹽運使銜道員林占梅著賞加布政使銜。員外  
郎銜主事周懋琦著賞戴花翎。以示鼓勵。餘著照所議辦理。  
該部知道。欽此。

又仝日奉

上諭徐宗幹奏克復彰化縣城。剿平南北兩路逆巢。會玉明丁  
曰健奏會師克復彰化。並攻克各要隘情形。請獎出力各一  
摺。本日已明降諭旨。將都司陳捷元等照請獎敘。道員林占

梅賞加布政使銜矣。臺灣逆匪日久蔓延。從未大受懲創。經  
丁曰健攻拔葭投。與曾玉明會師進克彰化。並將鹿港至寶  
斗一帶道路疏通。其南路匪莊亦經吳鴻源曾元福先後攻  
克多處。林文察現已放洋將抵臺灣著左宗棠徐宗幹卽知  
照該署提督迅卽馳赴嘉義會同曾元福相機進攻。速清餘  
孽毋稍遲延。斗六逆巢已經官軍圍困著曾玉明丁曰健激  
勵諸軍迅將賊首戴萬生斬擒。毋令兎脫。內山貓霧巡檢地  
方業經攻克。犁頭店等處亦獲有勝仗。並殲斃賊匪多名。著  
卽飭令林文明等軍會剿四塊厝林逆老巢。以期內山地方

一律肅清將此由六百里諭知左宗棠徐宗幹並傳諭會五  
明丁曰健知之欽此。

克復彰城斗六並攻克山路抗莊擬卽移師赴嘉搜捕到  
郡接印摺

奏爲克復彰化城後續克斗六並攻克彰屬山路抗莊大獲  
勝仗流離招集開墾勸農現在會商分兵追剿逃匪逆黨。  
籌辦善後擬卽移師南駐嘉義搜捕安撫赴郡接印恭摺

馳陳仰祈

聖鑒事竊臣於十一月初三日會同鎮臣曾玉明督飭兵勇攻

克彰化縣城並內山官軍克復貓霧拺各要隘等情  
業於十一月初四日會同鎮臣由六百里馳

奏各在案臣於十一月二十六日彰城師次接奉省中善後  
局移文恭悉二年八月二十五日奉

上諭前據左宗棠奏臺灣粵勇潰敗情形當經降旨將署提督  
吳鴻源革職拏問所有福建水師提督卽命林文察署理責  
令迅速起程渡臺剿匪。本日接據原任臺灣道洪毓琛六月  
初三日摺報所陳軍務遷延兵餉匱絀情形並請特派大員  
來臺督師勒限滅賊各等語雖未將吳鴻源等貽悞實情據

情參劾而軍務之掣肘呼應之不靈實已意在言外該故員  
於病勢危殆之際猶能念切時艱殫心籌畫實屬可憫現在  
林文察一軍是否渡臺卽著左宗棠徐宗幹飭令該署提督  
漂遵前旨趕緊前赴臺郡督率諸軍力圖掃蕩並著左宗棠  
等酌度賊勢軍情勦限歲事倘再逾限無功則吳鴻源復轍  
具在斷不能爲林文察寬宥也丁曰健受朝廷厚恩膺斯重  
任當與林文察等妥籌防剿毋得稍有疎懈致干咎戾將此  
由五百里諭知左宗棠徐宗幹並傳諭丁曰健知之欽此臣  
自顧庸愚渥受

天恩高厚。具有天良。勉竭愚忱。未便因前此道路梗塞。會合難期。稍形滯誤。趕緊先時。於九月初九日登岸。招集舊部丁勇。單師疾馳。由慙北入彰化境內。海路先破水裏藪。設各莊。山路先破犁頭店。貓霧各要隘。斷絕糧道。屢經馳奏。又

在紫仰賴

皇上威福。將士用命。會同鎮臣。克復彰化縣城。維時城內餘匪。潰竄內山之四塊厝一帶。與逆首林冕匪黨合股。臣原派通判張世英一軍。千三百餘名。分發克復內山谷隘。恐其不敷堵禦。趕派都司陳捷元。張輔軍。營弁侯元楠。義首羅

冠英等帶勇共一千名前往助剿。鎮臣亦派營弁會合布置甫定。該林逆果嗾潰匪於十一月初十日乘夜襲犯張世英所駐犁頭店。貓霧各營俱經該員等有備擊退。林逆復以彰城人心未定。意圖窺伺。後經臣派義勇劉然等率勇紮烏日莊。以斷林逆匪黨出路。風謠乃息。一面商同鎮臣。催督各軍。會攻斗六土圍。接到前次移調之署臺灣城守參將閻鎮國。遊擊白瑛等來。據稱奉文後並經署水師提督曾元福派令管帶兵勇由陸路進攻斗六。大有斬擒現逼近土圍。逐日攻打等語。並聞署陸路提臣

林文察帶兵已至嘉義他里霧地方則斗六以下俱有重  
兵迎剿獨恐清逆竄走水沙連等處潛入番界追捕必稽  
時日。當飛飭舉人陳肇興義首陳捷三陳雲龍等鼓舞義  
民出堵二八水地方飭鹿港同知興廉前赴寶斗傳諭七  
十二莊鄉民出堵官地屢地方以斷斗六清黨逃入番地  
之路。囑主事周懋琦飛催署彰化縣凌定國守備陳啓祥  
輪攻小埔心陳啞狗老巢以牽制出援斗六之逆飭捕同  
知候補縣王楨守備鄭榮等軍會同通判王成瑞王脩業  
紳士蔡鴻猷職員洪長庚林錫爵李華國義首陳大義等

各軍攻克苦荅腳等處三十餘莊。斬殺無算。大獲勝仗。疏  
通內山賊運柴米大路。進剿北拔新街逆首洪樣老巢。並  
據舉人簡化成。綑送陣擒。簡文確。簡文聽。到營訊明。供認  
從逆授僞先鋒。不詳。卽行正法。同日並接都司陳捷元。同  
張世英等攻破永定曆各莊。毀賊營四大座。亦獲大勝。並  
據通判王修業追獲僞光鋒楊萬生義首楊捷魁。生擒旅  
目陳其爲解營訊明。極刑處死。山路人心亦定。合計陣亡  
壯勇七人。受傷十餘人。調回北路內山。帶勇之白驥良。前  
赴燕霧等保堵剿歸順者百餘莊。彰城東南聲威。大振西

螺等處。道路亦漸疏通。而斗六土圍。經水陸兩提督臣會商立飭關鎖。國白瑛等軍。遂於十一月十八日夜半攻克。該處附近抗莊。亦多毀平。惟逆首戴萬生乘隙逃脫。賴二八水官地屬各路義民堵截。不至竄入番地。先經派出官軍圍練擒獲。隨同戴逆逃竄之偽忠義二元帥康江中。偽大先鋒張永。偽軍師江喚。朴偽先鋒鄭猪母。林和尚。偽欽差江言。江正和。卽江剩回。親丁許酷等四十餘犯。分別訊明凌遲正法。事竣另行彙案奏報外。並截獲前次遺失之部頒斗六都司銅印一顆。笨港守備銅印一顆。偽黃衣旂。

幟多件彰化城內被賊蹂躪將屆兩年滿目瘡痍飭前後任南投縣丞葉滋溫振邦暨各委員等傳諭紳耆設立官局招集流亡並飭在地士民阮鵬程楊凌烟陳榮賢陳殿等於城鄉遠近被賊斷塞之水圳一律興工開築陸續據報流通小民貿易漸次起色初克彰時附城彰莊前曾被脅爲匪旣復舉義帮官情有可原自應暫免查辦而泉州之曾受荼毒者或挾舊嫌乘勢洩忿報復歲至分類派參將田如松軍功范義庭等各帶兵勇會同鎮臣所派員弁分投彈壓懲辦不至另滋事端民各安業此臣克復彰城

後一月以來攻克抗莊多處。防剿獲勝開訓勸農招集流亡之情形也。伏查臣自淡水登岸後添募丁勇入彰城後分紮外莊各處。僅餘省兵親軍留防城內。鎮臣所部除派撥堵紮外。餘仍紮水圳橋老營。與城內作犄角之勢。疊次咨催水陸兩提臣迅統所部北上合剿。十二月初五日署陸路提督臣林文察甫能統師自嘉義之他里霧地方進抵彰城署水師提督臣曾元福亦統師迎赴彰屬紮寶斗地方。查此次戴逆倡亂以來。竊陷彰斗二城。蔓延波嘉兩屬滋擾三百餘里。誘脅二十餘萬人。除前經官軍剿辦臣

單師迅入彰境。先期大張撻伐。克城之夕。卽會同鎮臣督飭各軍。痛加誅戮。提臣林文察。曾元福等軍。取道嘉義。乘彰城克復後半月。攻破斗六。以及附近斗六。各路抗莊。斬殺無算。刻下首逆戴萬生。並各股首。雖仍聚集。漸黨或恃險負嵎。或憑巢死抗。而彰斗克復。義民響應。賊勢窮蹙。四路軍威大振。金底遊魂不難擒獲。據提鎮臣所報。兵勇屯丁。合計人數甚多。足資剿捕。連日會同委議。署陸路提督臣林文察家住於彰化北路之內山阿罩霧地方。與四塊厝逆首林晟巢穴甚近。擬親統所部。並督飭伊弟叅將林

文明原集圍剿該處林逆老巢署水師提督臣曾元  
福卽由寶斗一帶攻小埔心逆首陳啞狗巢穴並跟追首  
逆戴萬生竄黨鎮臣曾玉明督師攻彰城東南內山之北  
投新街逆首洪櫟巢穴臣復屢晤各提鎮臣熟商并見各  
營員弁悉心籌畫意見相同並派紳士中嵩林鳳池舉人  
陳肇興蔡鴻猷職員蔡謙光等率團分紮要隘以資策應  
檄調現攻小埔心之署彰化縣凌定國率帶勇丁回城並  
由提鎮臣酌派隊伍會同防守彰屬既有重兵臣恐匪徒  
南竄率參將田如松軍功范義庭等舊部丁勇拔隊由寶

斗他里霧南駐嘉義。該縣道路雖通。惟疊次嘉城被圍。雖經在事文武紳民力圖保固。而所屬鄉莊全被賊擾。兼之嘉邑逆首嚴辦朱登科等。尚未就擒。在逃匪黨亦多搜捕餘匪。安撫殘黎俱應督飭營縣次第舉行。此臣現在會同提鎮臣分兵進剿彰化山路逆巢。一面移師南下。至嘉義沿途搜捕。妥辦善後之情形也。臣身膺重任軍務地方。責無旁貸。惟多一營兵勇。即增一層口糧。蓋由臣未抵臺之前耗費太多。致抵臺之際。籌給不足。且於本年二月臣交卸署藩司任內。曾經由省籌撥臺餉數十萬。自渡臺後

知前道臣洪毓環。因籌餉防剿。積勞患病。身故錄由。目睹時艱。信深焦灼。擬於在彰起程時。先將兵勇酌撤。分遣內渡回浹。并留帶隨行搜捕至嘉城。察看情形。到郡時。將臣部兵勇再行陸續覈撤。以節糜費。而裕餉源。遂次疊接署道。陳懋烈來文。稱郡城根本重地。鎮臣業已出師。道員未便久在外屬。巡防整飭。著任呼應不靈等情。一面由嘉晉郡接印任事。除俟到任後。另行恭摺叩謝。

天恩外。所有克復彰化城後續克斗六。并抗莊大獲勝仗。流離招集。開墾勸農。現在會商分兵追剿彰屬逆巢。並擬移師

南駐嘉義。淨捕逃匪。辦理善後。再行赴郡接任各緣由。謹  
繙摺由驛四百里馳陳。再臣摺仍借用鹿港同知印信。合  
併陳明。伏乞

皇太后

皇上聖鑒訓示謹

奏

同治三年三月初四日奉

硃批知道了欽此

會奏生擒偽東王戴萬生等。勦滅巨股會匪。彰屬西南大

路肅清摺

奏爲合軍生擒首逆僞東王戴萬生等，剿滅巨股會匪彰化縣屬西南大路俱已肅清，合詞恭摺由驛六百里馳陳，仰祈

聖鑒事竊臣曾元福率關鎮國白瑛各軍於十一月十八日克復斗六土城業於十一月二十日具摺呈由撫臣徐宗幹附驛恭遞在案。臣丁曰健同鎮臣曾玉明克復彰化城後派隊攻克彰屬山路抗莊招集流離開墾勸農籌辦善後事宜會商分兵追勦逃匪巢穴各緣由於十二月十二日

五次具奏亦在案。查會匪首逆偽東王戴萬生卽戴朝春  
自斗六被剿兎脫。臣曾元福隨卽派隊跟追。一面分飭官  
軍札諭義首陳捷三等預至二八水官地廳各處迎頭攔  
截。並由臣丁曰健飭舉人陳肇興暨紳耆總理人等協助  
官軍堵禦。以遏該逆首竄入番地之路。而漬黨尚多潛伏  
於斗六附近之石榴班莊。臣曾元福揮令各軍於十一月  
二十七日將該莊攻破。匪眾殲除殆盡。當飭遊擊白瑛率  
所部四百名回駐嘉義縣城。杜絕後顧之虞。以都司周夢  
渭熟悉斗六情形。委署該處都司篆務。並撥勇丁五百名。

交令管帶。以資彈壓。臣等彼此函商。俱以首逆一日未誅。  
鄉民一日觀望。加以在逃匪黨復肆詭辭。肇惑愚氓。倘追  
捕稍遲。恐生他變。時署陸路提督臣林文察已統全部。由  
嘉義縣屬之他里霧地方。沿海至彰化。督隊赴內山四塊  
厝。進攻逆首林晟巢穴。臣曾元福親督大隊於十二月初  
四日。進紮彰化之寶斗地方。探查戴逆率黨千餘人。同北  
投逆首洪懋等逆。派來之援匪數千。虜聚於張厝莊。該逆  
附近西南一帶。周回十餘里。以內仍屬抗莊。立脣眾約  
萬餘人。且小埔心陳啞狗。另股招集嘉彰各路敗匪。復出

肆擾以爲戴逆聲援署彰化縣凌定國所部勇隊已調回  
守城臣丁曰健飛防守備陳啓祥把總凌定邦府經歷沈  
忠照等率帶兵勇日夕堵禦陳逆不至猖獗臣曾元福各  
軍無所牽制得以專剿戴逆自初五至初八等日派署臺灣  
城守叅將關鎮國儘先遊擊林鵬程署頭圍守備徐榮  
生守備許炳千總陳朝忠曾登貴郭得高曾登玉外委吳  
興隆陳錦章蘇恩洪縣丞余辰費蓋臣義首廖財禪吳思  
波吳序江許廷道李建極邱徵增生陳文謨監生曾經玉  
等各帶兵勇二千餘名分爲五路剿燬自宜山紅毛社丙

郎莊社頭喬孫等處抗莊大小四十餘處殺賊無算生擒  
偽軍師黃雜先等二十一名正法其餘望風歸順張厝莊  
之藩籬盡撤初九日寅刻各軍往攻張厝莊鎗械環施畢  
丁曰健札派之通判王成瑞王修業舉人蔡鴻數廉生洪  
鍾英附生孟際滋外委池興生義首蕭天芳蕭律章許政  
鳳等均各選募丁勇前來助剿相持六時之久賊勢不支  
遂於酉刻將該莊焚燬斃匪七十餘名戴連率死黨數百  
名冒煙突火狂竄芋寮仔莊該莊壘固濠深抵死固守各  
軍四面環攻屢困莊內伏銳亂發軍士多有傷亡臣曾元

福審度地勢。東路生番地界早經道臣丁曰健派撥官軍  
義民伏堵要隘。無從竄逸。北路枋橋等處有間道可通內  
山。派曾登玉等帶隊阻截其西南兩路。分紮八營。斷賊接  
濟。逼近攻打十一日至十七日派令關鎮國徐榮生等飭  
令兵勇不分日夜輪放火礮。擊死悍賊甚多。主事周懋琦  
等帶領親軍並鹿港局勇將省解炸破親督施擊該莊內  
屋舍倉房銳樓鎗櫃。先後被大礮炸彈轟塌焚燬。匪眾呼  
號號聲聞於遠近。臣丁曰健復派參將田如松守備陳光  
麟。軍功范義庭。千總周鳳翔。莊鴻禧。從九品謝端申。外委

余見成等率帶兵勇五百名。前來會剿。十八日未刻。臣會元福嚴督在事各員弁奮力猛攻。並懸重賞。各軍踴躍直前。鎗礮如雨。該莊鉛藥罄盡。時方已正。臣丁曰健亦統所部。自彰化拔隊到地。合力圍攻。各路兵勇一齊躍濠突圍而入。見戴遂身穿黃衣。繞遁於竹林之內。經陳朝忠。林文光。曾登貴。勇首林得勝等將戴萬生擒獲。洪鍾英等亦縛董九仙至營。臣等會同親提鞫訊。該首逆戴萬生。自供與林晟等逆結會謀叛。自封偽東王。凶悍之氣。見於眉宇。就地紳民觀者如堵。曾經充當北路副將營官。皆能識其面。

貌實爲戴萬生正身無疑。本擬櫨送省垣。呈由撫臣督飭在省司道訊明核辦。惟重洋遠隔。風飄靡常。未便使著名巨憲。久稽顯戮。當提戴萬生在營會訊極刑處死。其董九仙一犯訊據戴逆奉爲香主太師善會符咒。四處煽惑。所有在會匪徒。俱係該逆誘脅等語不諱。其同時被獲之偽三千歲戴卽。偽元帥陳鳴和。偽宰輔廖阿賴。偽將軍王光岱。偽旅首王文。徐海。慙王進才。鐘應。陳喬江等三十二名。分別凌遲處死。伏查該逆首滋事以來。攻陷彰化。斗六城池。戕害鎮道大吏。暨副將蔡遊同。文武員弁多人。竊接

淡嘉兩屬。蔓延數百里。脅從二十餘萬之眾。猖獗將近兩年。較之從前逆案尤甚。實屬罪大惡極。仰賴

皇太后

皇上福威。將弁兵勇紳團人等咸知用命。臣等攻克彰化。斗六以後。趕緊籌辦布置。俾該逆不至竄入番界。節節跟剿。將巨股會匪全行撲滅。該逆首戴萬生等生縛到案。明正典刑。亟應革職首級。遍示克復城邑地方。以快人心。而彰天討。現時西南大路肅清。其內山北投四塊厝林晟洪權等逆。另股現在署陸路提督臣林文察。臺灣鎮臣曾玉明分督。

所部兵勇馳往剿辦。不日諒能底事。臣曾元福卽日拔隊督軍攻小埔心陳啞狗巢穴。擬俟事竣後。咨呈督撫臣凱撤內渡。臣丁曰健擬於本月二十一日凱旋赴嘉義一帶。沿途搜捕安撫。新正再行接印任事。在事尤爲出力之擬。

保副將閻鎮國請加以總兵銜留閩委用。員外郎銜分部行走候補主事周懋琦擬請免選主事。以員外郎分部候補加四品銜。抑或仍留閩省。免補直隸州以知府用之處。

恭候

聖裁署臺灣南路營叅將候選陸路叅將田如松。擬請開復前

督臣慶端於同治元年奏奏革職。留營處分。以參將留閩  
儘先補用。署頭圓守備徐榮生。擬請免補都司。以遊擊儘  
先補用。並

賞換花翎。留閩拔補藍翎守備許炳擬請加都司銜。藍翎守備  
陳啟祥擬請以都司補用。均

賞換花翎。擬保五品銜范義庭。擬請給四品頂戴。擬保守備陳  
朝忠曾登玉林文光均擬請以都司儘先補用。先換頂戴。  
擬保知縣余辰擬請補缺後以同知直隸州補用。布經歷  
銜候補府經歷沈忠照擬請給五品頂戴。指分福建縣丞

費盡臣請俟到省後免補本班以知縣補用該二員均請  
賞戴藍翎。把總凌定邦擬請免補千總以守備儘先補用監生  
曾韞王擬請給五品銜義首李建極擬請以把總儘先拔  
補從九品邱徵擬請以縣丞歸部卽選該四名俱請  
賞戴藍翎以上各員實屬異常出力可否仰想

逾格獎勵渥沛

恩施其餘出力員弁兵勇團練義首人等容俟核實查明分案  
開單請獎所有合軍生擒首逆剝減會匪巨股彰化縣屬  
西南大路俱已肅清各緣由謹合詞由驛六百里馳

奏。再署陸提督臣林文察、臺灣鎮臣曾玉明均距臣等行營。  
較遠未及會銜。合併陳明。伏乞

皇太后

皇上聖鑒訓示謹

奏

同治三年正月二十七日奉

上諭曾元福丁曰。健奏生擒首逆剿滅巨股會匪一摺與林文  
察同日奏報情形大畧相同。臺灣官軍自攻克斗六後逆首  
戴萬生逃至張厝莊一帶聚眾數千負嵎抗拒經曾元福等

派兵進剿於上年十二月間。攻燬宜山等處逆莊四十餘處。殺賊無算。初九日各軍進攻張厝莊。自寅至酉。立將該莊焚燬。斃賊七十餘名。戴蓮率死黨數百人衝出竄入茅蕪仔莊踞守。自十一日至十七日官軍四面環攻。擊斃悍賊甚多。十八日各軍奮勇直前。躍濠突圍而入。立將逆首戴萬生擒獲。夥黨董九仙戴印等三十餘名。同時生擒正法。剿辦尚屬得手。仍著將林晟洪樓等逆悉數殲擒。毋留餘孽。所有此次尤爲出力之擬保副將關鎮國著賞加總兵銜候選主事周懋琦著免選主事以員外郎分部候補。並賞加四品銜署臺

濟南路叅將田如松著開復革職留營處分。以叅將留於福建儘先補用。守備徐榮生著免補都司以遊擊儘先補用並賞換花翎。守備許炳著賞加都司銜。陳啓祥著以都司補用以上二員並賞換花翎。擬保五品銜范義庭著賞給四品頂戴擬保守備陳朝忠曾登玉林文光均著以都司儘先補用先換頂帶。擬保知縣余辰著俟補缺後以同知直隸州知州補用。府經歷沈忠照著賞給五品頂戴。指分福建縣丞費善臣著俟到省後免補本班以知縣補用。以上二員並賞戴藍翎。把總凌定邦著免補千總以守備儘先補用。監生曾韞玉

著賞給五品銜。義民李建極著以把總儘先拔補。從九品卽徵。著以縣丞卽選。以上四名並賞戴藍翎。其餘出力員弁兵勇團練人等准其查明奏請獎敘。林文察摺內所稱軍功五品頂戴林赤攻剿四塊厝賊巢。首先衝陣中鎗陣亡殊堪憫惻。著交部從優議卹該部知道欽此。

人臣日奉

上諭曾元福丁曰健奏生擒首逆剿滅巨股並林文察奏圍攻林洪各逆老巢。疊獲勝仗各一摺。本日已明降諭旨將尤爲出力之副將閩鎮國等分別獎敘矣。首逆戴萬生於官軍攻

破斗六後逃至張厝莊。經曾元福帶兵將該莊附近西南一  
帶之目宜山、紅毛社、丙郎莊、社頭、崙仔等處。逆莊四十餘處。  
分路剿燬。復與丁曰健所派勇丁合破張厝莊。該逆遁至芋藪。  
仔莊復經曾元福、丁曰健親督兵勇將該莊攻破。生擒逆首  
戴萬生。並逆犯董九仙、戴印等正法。彰化縣屬西南大路。俱  
已肅清辦理。尚屬得手。此股會匪黨與眾多。滋事日久。現在  
首逆雖已就擒。而敗散餘匪。尚須力行搜捕。尤防其竄入內  
山番地。復行嘯聚。曾元福、丁曰健務當分派兵勇嚴扼入山  
要隘。以杜餘匪竄山之路。一面搜捕淨盡。以絕根株。毋貽後

患曾元福親督兵勇進攻小埔心陳啞狗巢穴諒可迅速攻克該署提督擬俟事竣後內渡着左宗棠徐宗幹屆時酌量情形將曾元福及其所部兵勇撤歸內地以節餉需至內山北投四塊厝爲林晟洪櫂等逆另股盤踞現經林文察曾玉明分督所部兵勇剿辦着卽責成林文察等速行攻克將首逆林晟等擒斬毋任漏網仍着丁曰健分派勇丁扼要堵禦勿令該逆紛竄臺灣各路漸次肅清林文察現稱擬留兵勇五千名足資堵剏此外兵勇及曾元福所部已咨請左宗棠徐宗幹分別撤回着卽照所擬辦理林文察摺內并敘攻打

四塊厝賊巢陣亡之五品頂戴林赤未經請卹想因其係該署提督堂弟之故本日已明降諭旨交部從優議卹所帶族勇兵丁之陣亡及出力人等並著查明分別彙案奏請獎卹將此由六百里諭知左宗棠徐宗幹並傳諭林文察曾元福丁曰健知之欽此

曾擒首逆沿途搜捕凱旋赴郡到任摺

奏爲自彰化寶斗街會擒首逆後拔隊南下沿途搜捕至嘉義縣城督縣妥籌善後事宜並凱旋赴郡到任日期恭摺馳報仰祈

聖鑒事。竊臣於十二月十三日派主事周懋琦叅將田如松紳士軍功范義庭等各帶兵勇赴寶斗街會剿隨於十月十八日親督大隊自彰化縣城前赴該處會同署水師提督臣曾元福生擒偽東王戴萬生等逆到案業於十二月十九日六次會摺具奏在案二十日提臣曾元福檄攻芋藺仔各營前赴小埔心進剿陳啞狗巢穴臣飭調守備陳啓祥等帶勇回彰化縣城隨同署北路協副將湯得陞署彰化縣凌定國嚴密防守去後查斗六一帶前經提臣曾元福督率閩鎮國白瑛等軍先後剿辦克復土圍以後派都

司周夢渭帶勇留守。足資防捕。其沿海西螺虎尾溪他里  
霧一帶。因彰化克復。軍威大振。署陸路提督臣林文察聞  
彰復亦帶兵到地。各莊遂舉義旗。餘匪多半潛踪。臣督飭  
員弁兵勇於二十一日。即由寶斗街拔隊起程。至嘉義他  
里霧暫駐。沿途傳集耆民總理人等。將逆首戴萬生伏誅  
緣由。剴切傳知。各莊民均畏服向化。經臣曉以大義。責令  
各該莊民引導官軍。並派降補縣丞解餉來臺之黃文奎  
委員汪秉端。義首吳調和。會同各紳民分投搜捕。是晚即  
據署嘉義縣白鷺鄉面稟。擒獲偽軍師章鳳。卽邱新章。解

營訊明臬示。二十三日又添派從九品任玉材。先後同兵  
勇莊丁擒到僞元帥林忠厚。僞先鋒李西螺。匪犯吳厚林。  
木莊榮、莊慶、莊振、莊祥、張貓安、黃福郭、邱郭漏等十一  
犯隨軍押赴嘉義縣城。訊據供稱隨同嘉義逆首嚴辦朱  
登科等疊次率同賊黨攻撲城營。不諱卽於二十三日酉  
刻在嘉義縣城外正法。此外仍有續獲著名之犯。飭縣訊  
明臬示。另行彙案呈部查覆外。伏查嘉義縣城疊次被圍。  
竭力保固。而城外鄉莊被擾日久。滿目瘡痍。深堪憫惻。所  
幸田土具在。祇以水泉被賊壅塞。荆棘叢生。當飭嘉義縣

傳集紳士。王朝輔陳熙年等設法興工疏通水圳以利灌漑。但使田園不淪於荒蕪。卽莊民可藉以耕耘。其有廬舍被焚擣種無業者。飭令分別查明。另行鳩資安集俾免流亡。此臣自彰抵嘉。沿途搜捕安撫之大概情形也。臣籌議甫定。原擬卽在嘉義縣度威。以冀就近多擒一賊。卽多除一害。疊據署臺灣道陳懋烈等函文交催。以郡城根本重地。署任呼應不靈等語。二十六日由嘉義縣城凱旋。二十七日行抵臺灣府城。二十八日卯刻准署臺灣道陳懋烈將提督學政關防一顆。並

勅書

上諭等件委員賚送前來臣恭設香案。望

閩叩頭祇領任事訖。伏念臣庸愚下士。知識毫無。由順天舉人於道光年間揀發福建知縣。疊次辦理軍務。奉

旨以同知直隸州儘先補用。並加知府銜。

賞戴花翎遵例捐陞道員。於克復汀州案內奉

上諭著以道員留閩。遇缺即補欽此。先後奉委署理糧道布政司篆務。本年春間交卸署布政司篆後。擬赴部引

見。復奉撫臣飭令赴臺辦理軍務。正在調集兵餉。候風配渡。准

蒙

聖恩補授臺灣道員缺。自九月初九日滬尾登岸後。添調丁勇。至十月十二日單師馳入彰化境內。趕籌剿辦。仰託

皇太后

皇上福威彰化斗六。以次珠還元凶授首。雖僅餘內山四塊厝北投海口小埔心林尾洪櫟陳啞狗等匪巢未破。有署水陸提督曾元福林文察臺灣鎮臣曾玉明等三營分督兵勇前往搜捕。不日諒能蕪事。惟查臺灣孤懸海外。人情素稱浮動。臣昔任縣廳十有餘年。深悉逆案頻仍。前次漏網。

之餘生卽爲後次豎旗之股首臣內渡以後距今又逾五  
載。生齒日繁。生計日絀。吏治營規廢弛更甚。士習壞而商  
民驕。此次軍興兩年。蔓延日久。誘惑更多。賊燄方張。固不  
能不先行解散。以孤其勢。軍威既振。又不可不嚴加搜剿。  
以懲其餘。既不可稍涉株連。亦不得致留遺孽。臣惟勉竭  
驚駘。於軍務機宜善後事件。隨時稟商督撫臣會同鎮臣  
曾玉明。督率知府陳懋烈等。實心整頓。法立而後可原情。  
良安必不容縱匪。以期仰副

聖主綏靖海疆。除惡務盡之至意。再接見郡城府廳縣紳士人。

等據稱南路鳳山縣屬閩粵莊民向來各分氣類近來械  
鬪之風益熾臣恐另生枝節擬新正卽飭隨營帶兵之參  
將田如松趕赴南路營署任並將省兵一百名隨帶前往  
屆時密看情形如該處不至滋生事端卽將省兵就近撤  
退由旂後口配船至廈門回省臣酌留勇丁在郡城巡防  
彈壓以備不虞臺灣道關防前道臣孔昭慈在彰化城中  
遺失臣摺用提督學政關防再臣到任在封印期內先期  
函囑署臺灣道陳懋烈預用空白合併陳明所有自彰化  
寶斗街拔隊至嘉義縣沿途搜捕餘匪籌辦善後各事宜

暨微臣到任日期。並感激下忱。謹具摺由驛四百里具

奏叩謝

天恩伏乞

皇太后

皇上聖鑒訓示謹

奏

同治三年三月初五日奉

硃批另有旨欽此同日奉

上諭列在加按察使銜謝

恩指後

到郡舉行歲科兩試片

再學校可以化頑梗之心。禮樂足以靖干戈之氣。查臺灣前因軍務方殷。壬戌癸亥歲科兩試俱停止未考。此時彰化斗六先後珠還元惡就戮。大路一律疏通。祇內山餘匪有提鎮臣三營分兵剿辦。指日可望肅清。明年甲子正科未便令該生童等仍復向隅。現與府縣暨各學官籌商擬於明春舉行歲科兩試。其彰化縣前考試卷遺失。著仿照內地成案。補錄辦理。惟郡城游民太多。良莠不齊。深恐士

子雲集之時難保無匪徒混跡飭令各廳縣學妥議章程  
發給執照由臣屆時派員驗明入城仍派兵勇隨時巡緝  
並飭各屬於各隘大路分派勇團往來保護以免疎虞謹  
附片陳明伏乞

聖鑒訓示謹

奏

三年三月初五日奉

硃批知道了欽此

奏請

頒鑄臺灣道關防片

再臺灣道關防。於同治元年春間。前道臣孔昭蕙赴彰化縣城剿匪。隨帶前往。嗣彰城被匪竄陷。孔昭蕙殉難。關防遺失。前道臣洪毓琛接任以來。皆借用提督學政關防。臣前克復彰化時。疊派員弁紳民。四處檢查。均無着落。現在臣已晉郡到任。所有道署常行事件借用學政關防。似非體制。合無仰乞。

天恩

勅部頒鑄臺灣道關防一顆。以昭信守。謹附片具。

奏伏乞

聖鑒訓示謹

奏

三年三月初五日奉

硃批知道了欽此

加按察銜謝

恩摺

奏爲恭謝

天恩仰祈

聖鑒事。竊臣於同治二年十二月二十八日接奉巡撫臣徐宗幹行知。本年十一月初八日承准議政王軍機大臣十月十八日奉

旨丁曰健著照例加按察使銜。該部知道欽此。當卽恭設香案。望

闢叩頭謝

恩訖。伏念臣顛愚下士樗櫟庸才。自春間卸署布政司篆後。擬

赴部引

見旋奉撫臣札委赴臺辦理軍務。正在籌畫餉需。趕緊配船候

渡之際渥承

皇太后

皇上天恩。畀以海疆重任。辰下彰斗城垣雖復。會匪首惡亦誅。  
而逆黨潰孽未盡殲除。軍務不能休息。徒深兢惕。報稱爲  
難。茲復欽承

寵命

賞加司銜。感優渥之

恩施實莫名夫。惶悚臣雖有勉竭愚誠。於一切軍務機宜。應辦  
事件。咨商水陸提臣曾元福。林文察。會同鎮臣曾玉明。督

率所屬實力講求。迅就廓清。不留餘孽。以冀培養元氣。整頓地方。仰報

高厚鴻慈於萬一。所有微臣感激下忱。理合恭摺並附驛便具奏叩謝。

天恩伏乞

皇太后

皇上聖鑒謹

奏

三年三月初五日奉

硃批知道了欽此

同日奉

上諭徐宗幹奏。皖匪由浙境竄入江西。逼近閩疆。派兵防堵情形。丁曰健奏。沿途搜捕餘匪。妥籌善後。並到任日期各一摺。前據沈葆楨奏。偽王宗一。朕將越新城而西。逼近閩疆。諭令左宗棠徐宗幹派兵嚴密堵剿。茲據徐宗幹奏。建甯府屬接壤江西浙江。逆匪意圖竄越閩疆。防務喫緊。現飭署總兵袁良帶兵四百名。馳赴浦城。調金門鎮標等營兵五百名。俟蔡潤澤巡緝回省。督帶續進。派知府張文斌募勇數百。併交袁

是調遣並以閩浙交界間隘甚多委餽補道張塔煌與往  
甯會剿等語賊匪因江浙兩省不得逞志圖竄閩疆以遂其  
遠遁之謀復行蔓延完善逆計甚爲兇狡且此股竄賊人數  
甚眾閩省與浙江江西毗連處所甚多徐宗幹派出之兵雖  
兵力尚形單弱張文斌所募壯勇倉猝湊集亦未必即能得  
力著左宗棠徐宗幹凜遵疊次寄諭於浙江江西接壤福建  
地方嚴密堵禦如兵力尚屬不敷應如何添派勁旅擇要扼  
守以期穩固之處並著妥籌辦理前諭左宗棠等將曾元福  
所部兵勇由臺灣撤回派赴邵武一帶著即飛檄曾元福飭

令星速前進擇要駐紮。以厚兵力。該督撫務當慎益加慎布  
置廝密。毋令該逆闖入閩疆。致全局又形掣動。張運蘭一軍。  
當已在途。著左宗棠徐宗幹飛催該臬司趕緊趨行。迅回閩  
省。以資攻剿。丁曰健已赴臺灣道本任。現在內山四塊厝北  
投海口小埔心林巖洪機陳啞狗等匪巢未破。曾元福一軍。  
如尚未起程。卽著催令迅速內渡。丁曰健卽與林文察曾玉  
明等會商分督兵勇。前往搜捕。毋留餘孽。丁曰健現回府城。  
如有應須親出彈壓督剿之處。仍着隨時親往。毋得安居府  
城。致令首惡稽誅。復行滋蔓。該道所籌善後各事宜。務當認

眞無辦。不得有名無實。將此由六百里諭知左宗棠徐宗幹  
並傳諭下曰。健知之。欽此。

彰屬餘匪復行勾結思逞習

奏爲彰屬餘匪未淨。復行勾結思逞飛商駐城在鄉各營督  
率兵勇民團合力防剿。尅期擊散。恭摺馳報仰祈

聖鑒。事竊臣於去冬克復彰斗。僉擒首逆戴萬生後。卽遵奉撫  
臣徐宗幹札飭。以鎮道久駐北路剿匪。臺南空虛。臺鳳兩

邑。閩系營出彰化。現有三營兵勇甚多。城鄉足敷分布。以  
餘匪責成提鎮搜捕。令臣由嘉義安戢殘黎。抵郡接壤。至

十二月二十八日到郡接印卽派員弁馳往南路彈壓謹將任事日期籌布情形並感激下忱專摺叩謝

天恩計已早呈

御覽臣到任後卽與臺灣府知府陳懋烈熟商統飭各屬聯莊圖練以助搜捕兵力之未逮當經委令前署臺灣府知府臺防同知葉宗元等分馳南北各廳縣督同辦理迄今三月以來各路稟報聯莊拿獲要犯甚多又疊催提鎮攻破林逆巢穴林最伏誅後正可會合迅掃而署陸路提督臣林文察自正月十一日攻克林巢領兵露山五十餘日至

三月十一日始至寶斗會合前護水師提督現署臺灣鎮  
臣曾元福之師進攻小埔心陳逆匪巢前臺灣鎮現署水  
師提督臣曾玉明圍捕北投洪様專重計誘遂致免脫並  
傳聞兩營在內山另有招引投誠以示羈縻如能撫不爲  
匪原可予以自新但恐鈐制稍疎復萌故智且林姓族繁  
向與賴姓有隙難保不倚勢作威轉爲匪徒藉口另生事  
端前臣在彰化面商此次宜迅速妥辦固不可稍涉株連  
亦不得多留遺孽近日據現署臺灣鎮臣曾元福拿獲股  
匪張純制王冬胡海等多名又據署彰化縣知縣凌定國

赴鄉搜捕。疊獲逆匪多名。並起獲前失臺灣道關防一顆。  
儲庫查洪櫟在逃未擒。內山招撫已濫。臣寢饋難安。而臺  
灣自戴逆滋擾已及二載。科歲兩試久停。本年係甲子正  
科。自應一並補行。鼓勵士氣。即可以鎮定人心。先於臘底  
已。

奏明在案。刻下府廳縣考試均畢。士子雲集。臣已於四月初  
三日取齊開考。先期已咨明提鎮札飭各屬並面諭來府  
送考之學官。傳諭各路聯莊紳士嚴加防範。茲於三月三  
十四月初二等日接署臺灣鎮臣曾元福函報二十七日

訪有林天河強佔內山賴姓產業眾心不服以致賴矮及  
林姓各匪勾結洪様並各招撫股首聚集千餘人復有堅  
旂之謠擬分二股。一股糾攻阿臘霧山。一股直撲彰城。當  
卽飛佈各營。加意慎防。二十八日果於近山有匪先焚沙  
仔崙等莊。並據彰化縣稟報。情節大畧相同。詎據二十八  
日夜亥亥刻時附城北門外之市仔尾街。勾引山匪數百  
人屯集街中。二十九日黎明署北路營副將湯得陞署彰  
化縣知縣凌定國。先將訪獲督充壯勇身穿號褂之奸細  
謀作內應。甘拔山等十餘犯斬訖。卽率兵勇出城剿捕。該

逆迎敵兩時之久。我軍開炮轟擊。賊敗稍退。生擒匪首范  
郎獅。匪夥黃慶等三名。卽於陣前正法。附城繁營。午後該  
逆復敢回撲。遁鹿港同知興廉。護游擊陳啓祥在鹿聞警。  
率領兵勇鄉團。護運糧米。由西門入城。以安民心。卽率兵  
勇往北會合攻擊。鎗礮齊施。斃賊三十餘名。賊勢不支。當  
卽擊散。我軍奮勇爭驅。生擒逆匪四名。惟因城內防守兵  
單。未能遠追逐捕。三十日寅刻。鎮臣曾元福同署陸路提  
督臣林文察駐營寶斗附近之十三甲各匪莊。亦擁眾擣  
營。經提鎮各營派隊攻剿。大獲勝仗。立將自宜莊燬為平

地署鎮臣曾元福留守寶斗要隘兼圍陳逆署陸路提臣  
林文察隨卽起程往彰沿途共燬十三甲橋仔頭各莊賊  
巢由鹿入彰現署水師提督臣曾玉明亦帶兵搜捕繁住  
西門外水圳橋但彰化時當青黃不接米價太昂府城亦  
因勞師日久籌餉過多極形窘乏臣於萬難設法中趕緊  
籌措餉銀米石鉛藥等項共約銀萬元委員星夜解往以  
應急需誠恐不敷並札飭鹿港同知興廉激勸在地紳士  
舉人蔡德芳職員蔡懷斌等籌餉募勇接濟防剿並據附  
鹿之八莊二十四莊寶斗鰲頭舉人蔡鴻猷訓導楊清珠

等各紳來稟。據稱自遵諭聯莊鄉團後。各莊一聞警報。即於二十九三十等日。率集團勇三千餘人。齊赴彰化城鄉。會合各營防剿。似此官民齊心協力搜捕。滅燭餘星。決不致死灰復燃。然近城餘匪。雖已撲散。而內山棟東貓霧犁頭店水沙連一帶。仍多賊踪。難保不勾結復熾。已飛咨署水陸提臣曾玉明。林文察並署鎮臣曾元福。嚴飭各屬文武委員紳團。窮搜極捕。總期除惡務盡。以仰副

聖主綏靖海疆之至意。臣斷不敢以兩署提臣現奉調回西防。稍事因循。轉致滋蔓。現在郡城鳳山雨暘時若。並據淡蘭

嘉義均報聯莊獲犯地方安靖謹將餘匪思逞飭辦聯圍會合官軍剋期擊散實力搜捕各緣由恭摺由驛五百里馳

奏伏乞

皇太后

皇上聖鑒訓示再提鎮臣遠在北路未及會銜合併陳明謹

奏

再正在具摺

奏聞四月初四日接到署鎮臣曾元福來函連日復有曾曆

備各莊賊匪出撲寶斗大營。當經派營往剿。均獲勝仗。於初二日適有外莊聯董陳雲龍等率領莊民千人會合。以助軍勢。即將會厝為一帶賊莊竹圍八座。盡行攻燬。擊斃賊匪無算。同日又據彰化縣知縣凌定國稟稱。日前犯彰各匪。經官軍擊散後。復思遁往內山。初二日督帶兵勇民團。隨同署陸路提督臣林文察各營馳往大肚溪追剿。經附近聯莊各義民齊出助剿。兩路夾攻。該匪自相踐踏。溺死者甚眾。當場生擒股首陳在等多名。而犁頭店莊聚集餘匪。亦經遊擊陳捷元都司何國英等率各聯團合力圍

勦生擒匪犯吳琴等多名餘卽遁散並據各莊械擊各敗匪細送至彰城先後共計七十餘名已會營訊明正法鹿港同知興廉亦令各紳採運糧米陸續入城接濟民心現已大定合併呈慰

聖懷附片謹

奏

同治三年五月十一日奉

上諭林文察奏官軍擒斬首逆彰化解圍丁曰健奏擊散彰化餘匪暨攻燬曾厝嵩一帶賊莊各摺片已明降諭旨將副將

湯得陞等照林文察所請獎勵矣。前因髮逆竄入閩疆。疊經諭令林文察率眾內渡。嗣因徐宗幹請催曾玉明回省。亦經照該撫所請。令該署提督回省督辦內地防剿事宜。茲據林文察奏逆匪陳在楊金環等襲陷犁頭店員林街各汎地。攻撲彰化縣城。雖經兵圍擊退。首逆就擒。而張三顯陳弄等逆黨尚各糾黨嘯聚。洪逆亦未弋獲。丁曰健奏內山招撫太濫。賴林各逆復勾結洪標。並各招撫股首。分撲彰化縣城。北門外之市仔尾街匪首范郎獅等。經官軍擒斬。餘匪潰散。內山挾東貓霧犁頭店仍多賊蹤。曾厝峯竹園等賊莊平燬。後彰

化撲城各匪復思遁往內山。是臺灣逆匪尚須趕緊搜捕。惟江浙髮逆擾及建甯甯化等處。閩省西路之防尤爲喫重。著左宗棠徐宗幹仍遵前旨。催令林文察曾玉明統率所部迅速南渡。以資攻剿。其臺灣剿匪善後各事宜。卽責成曾元福丁曰健督飭兵勇。會同地方文武聯絡鄉團。實力辦理。曾元福丁曰健係鎮道大員。均屬貴無旁貸。倘日久因循。不能竣事。以致死灰復燃。再煩兵力。必惟該鎮道等是問。將此由五百里諭知左宗棠徐宗幹並傳諭林文察曾玉明曾元福丁曰健知之。欽此。

會攻小埔心。生擒偽西王陳啞狗弄、張三顯等。懲辦指

奏為策調彰化文武官紳督率兵勇民團。會攻小埔心老巢。

生擒偽西王陳啞狗弄。並先後拿獲逆首張三顯等多名。

分別懲辦。彰屬海口一帶賊莊俱已肅清。恭摺馳陳。仰祈

聖鑒。事竊臣於本年四月初四日謹將彰屬餘匪退竅期擊

散各緣由。並十五日接奉撫臣行知渥蒙

恩旨賞加二品頂戴。當卽望

閱。叩頭。恭摺。叩謝。

天恩由驛馳奏各在案。臣因甲子正科在卽臺地重洋遠隔。胥

省較難是以前經

奏明於四月初三日取齊開考成科並舉原爲鼓勵士氣起赴鄉試起見初非粉飾太平况身在試院而各路軍務竝於心仍密速布置隨時策應未嘗一息延悞嗣聞鳳山岡山有匪徒造謠煽惑嘉義下加冬一帶亦有股匪勾結搶奪當即撥派臣去冬酌留部下防城隊勇委員分馳南北會同各營縣嚴密剿捕嘉義拿獲巨賊陳積山等多名訊明均係嚴辦逆黨鳳山擊獲首逆黃翹蕃等解郡提訊供認謀逆堅辭不諱當經正法中南二路已形鎮定似可

無虞。所慮者惟佔踞小埔心勾通王功二林海口一帶三十餘莊之逆首陳啞狗弄最爲兇悍狡猾又復有攻撲寶斗大營奏報著名巨股張三顯同惡相濟若二害不除則各股匪乘機響應患無已時去秋經派署彰化縣知縣凌定國攻剿四月始得撤其藩籬嗣於冬臘調回縣城咨請署鎮臣曾元福駐兵專剿設計圍攻復經署提臣林文察派林文明帶隊會剿總未得手迨調向在內山最爲得力之義首五品銜藍翎羅冠英分路環攻已得破其近圍而羅冠英竟受傷陣亡賊膽反張此陳逆之踞守老巢勾通

海口各賊莊堅抗之情形也。內山棟東貓霧等處前經署  
陸提臣林文察入山搜捕。於正月破林巢後。安住家園五  
十餘日。領兵不出。兼有胞叔林天河。卽濫保知府。更名林  
箕國。倚勢作威。截水霸田。以致衆議沸騰。欲圖報復。餘匪  
藉此復肆攻撲各莊。非先事預防。聯莊得力。竟有難解之  
憂。至前署陸提臣林文察。於二月間先奉督臣左宗棠咨  
調回省。逗遛在彭。赴小塘心協剿陳巢。引水灌注。未能攻  
克。自四月初旬。回彰城擊退餘匪後。仍進霧山。月餘。其附  
近犁頭店之馬彝潭各巨匪。竟置不問。犯無一獲。辦理棘

手正期卸肩。又接撫臣徐宗幹咨催赴省。據報五月十五日帶兵由彰起程。分配淡鹿兩口。此時南風司令諒早抵省。馳赴西防。署水提臣會玉明。早經函報。由鹿配渡。今忽於五月十五日復晉郡索餉。臣已飭臺灣府趕緊籌備銀兩。酌給兵勇赴廈口糧之需。以便內渡。而固邊防。前聞署水陸兩提臣營紮彰城。兵勇騷擾城鄉地方營縣彈壓不遑。無暇搜捕。而紳民怨恨離心。凡遇公事觀望不前。今兩營均行拔隊。地方文武似易專心剿匪。兼之紳商亟望轉危爲安。亦皆踴躍從公。臣先期分札彰屬得力職董。并有

內閣中書林鳳池來郡送考，卽飭令回彰。分給札諭該地紳士隨征參將陳捷元、義首陳捷三、楊清時等，趕緊聯莊搜捕，並調集團勇隨軍助剿，以補兵力之不足。復飭在彰委員通判張世英，督同各員防守縣城，勒限彰化縣知縣凌定國、北協都司張顯貴，分剿逆首張三顯賊巢，以阻救援陳逆之路。一面飭令嘉義團練紳士副將白瑛派撥隊勇馳赴西螺會同廖才蟬帶隊助剿以防逃竄。並飛咨鎮臣曾元福，嚴飭員弁四面圍剿。趁期攻破，嗣署鎮臣曾元福函報，該陳逆督率兇黨，冒死交鋒，連戰數日，見絕救援。

始覺力稍竭而施放鎗礮尚如雨注五月十一日署鎮臣  
曾元福卽親督兵勇義民奮勇前驅密令守備徐榮生率  
各精勇由後抄入立將陳逆老巢攻破並焚燬上下番仔  
厝等多莊擒獲匪首陳狗蔡法蔡九及陳逆等妻子三十  
餘口擊斃僞先鋒魏阿東股首許活水陳貓會葉貓番等  
多名斬獲無數而陳啞狗弄受傷乘間逃竄面前嵩莊等  
語陳逆現離老巢恐竄入番界逃往內山勾結馬彝潭各  
匪搜捕更稽時日卽飭各路聯莊紳民加意防守並凌定  
國一體兜拏又據凌定國稟稱五月十二日會同張願貴

守備凌定邦。義首蔡廷揚。並各委員等統率兵勇駐紮。陳厝莊適札調帶圍參將陳捷元亦已到齊。查該逆張三顯糾集黨與。虜聚溫底枋橋頭莊。於十三四等日督隊攻剿。死守不出。我軍用礮轟擊傷斃賊目數名。陳捷元乘勢由西北斬關而入。各軍由東將火包火箭施放。逆黨冒火而出燒焚賊巢四十餘座。陣擒僞鎮南大將軍黃彬。逆夥劉扁黃茂黃盛黃山等十三名。割取首級八十七顆。跟追張三顯下落。均供尚伏張厝莊內。隨卽移攻通署鎮臣曾元福。亦拔隊駐紮大排柵。圍攻面前崙莊。兩營互相犄角。聲

勢聯絡十九日凌定國見該莊破聲不繼鉛藥罄盡統率  
兵勇突圍而入卽將張三顯擒獲並戴萬生之子戴能股  
首黃養江高明等四十七犯分別凌遲處死張三顯既已  
伏誅則陳逆亦失應援而凌定國一軍得以會合助剿二  
十三日署鎮臣曾元福嚴督在事各員奮勇猛攻各軍踴  
躍直前該逆負嵎抗拒相持六時之久賊勢不支卽暮敢  
死之士冒死爭先各軍隨同躍濠斬關而入該逆鋌而走  
險尚欲竄回後厝仔莊伏勇齊發將陳啞狗弄擒獲卽經  
提訊供認與戴萬生林憲晟結會謀逆自稱僞西王佔住

彰化斗六城池戕害鎮道副將各官疊攻嘉義城不諱卽當極刑處死並據彰化各局紳公稟情節相同伏查該逆商同戴萬生謀亂擾害淡彭嘉三屬地方抗拒官兵兩年戕官攻城罪大惡極仰賴

皇太后

皇上威福。將弁兵勇紳圃人等咸知用命將各元惡次第生縛到案明正典刑立即竿斬首級梟示被擾各地方以彰

天討而快人心至王功二林並海口三十餘莊一律蕩平特惠內山前次林營撫匪過多養癰貽患近今反側若不澈底

欽辦恐有毒發之虞。現在水陸兩提臣奉調撤防。善後一切事宜。臣責無旁貸。惟有移催署鎮臣曾元福。督同彰化營縣。激勵兵勇民團。務將在逃餘匪窮搜極捕。不留餘孽。以期掃除羣醜。肅清臺疆。下蘇民困。上安

聖懷。斷不敢因要逆陳啞狗。弄張三顯等業已伏誅。稍事鬆縱。亦不容林天河勢豪巨族。恃強橫行。唯師久用。乏省餉半年未到。勉力接濟。實形竭蹶。除查明此次出力文武紳董及陣亡義首羅冠英等。欽遵前奉。

諭旨併案詳送督撫臣彙核奏保外。合將兩署提臣林文察曾

玉明拔隊後臣督飭紳士聯圖用命會同署臺灣鎮臣會  
元福並彰營縣擒獲僞西王陳啞狗弄逆首張三顯等多  
名大獲勝捷緣由恭摺馳奏仰祈

皇太后

皇上聖鑒訓示再近日大雨溪水阻漲鎮臣會元福遠在彰北  
軍營未及會衝合併陳明謹

奏

同治三年七月十八日奉

上諭徐宗幹奏臺灣官軍攻克彰化小埔心賊壘生擒渠逆平

毀匪莊。曾元福丁曰健各奏生擒陳啞狗弄並獲僞太子戴能戴如川及股首張三顯等多名。沿海賊莊俱已肅清等摺本日已明降諭旨宣示。並將尤爲出力之遊擊徐榮生等照曾元福所請先行獎勵矣。曾元福剿除小埔心賊壘。將陳啞狗弄等殲除。尚爲迅速。惟洪機等皆係著名巨匪。現在逃往何處。裹脅人眾當亦不少。各摺均未言其下落。著左宗棠徐宗幹嚴飭曾元福丁曰健等上緊緝拿務獲。免致再行勾結生事。彰化餘匪仍著曾元福認真搜捕。各屬招集流亡。安撫良善。著該鎮道會同妥辦。林天河在籍逞強橫行無忌。丁曰

健有地方之責。應行隨事裁抑。不得任其魚肉鄉里。大爲閭  
閻之害。徐宗幹另摺奏。浙江省平陽會匪潛赴福甯窺伺圖擾。  
經署福甯鎮鍾寶三等。拏獲多名。審明正法。並據報溫處道。  
周開錫已由郡帶兵勇前赴平陽。奉順一路搜捕並經平陽。  
縣余麗元等獲犯多名。而股首尚未有獲。餘犯亦未盡殲除。  
着左宗棠徐宗幹嚴飭周開錫鍾寶三等督同府縣紳董嚴  
密查拏。務將股首趙辛卽趙阿虎。及在逃之陳田壁等犯。按  
名弋獲。不得任其漏網。致貽後患。將此由六百里各諭令知  
之。欽此。

同日奉

上諭丁曰健奏署陸路提督林文察於破林巢後安住家園五十餘日。頓兵不出。兼有胞叔林天河倚勢作威。眾議沸騰。又協剿陳逆。未能攻克。在彰追遛月餘。剿匪事宜。竟置不問。又與署水師提督曾玉明。繁營彰城。兵勇騷擾。紳民怨恨離心等語。林文察等以專閫大員。當軍務喫緊之時。宜如何振刷精神。激勵將士。若如該道所奏。頓兵逗遛。縱勇滋擾。實屬大負委任。着左宗棠徐宗幹確切查明。如實有前項情事。卽著嚴行參辦。毋稍徇隱。原摺著摘錄抄給聞。

看將此各諭令知之欽此

酌帶精勇督飭剿捕查辦善後事宜摺

奏爲彰化餘匪續獲未淨。現在定期酌帶精勇先往督飭剿捕。並辦理善後事宜俾絕根株而固疆圉恭摺由驛四百里馳陳仰祈

聖鑒事竊臣前因會擒首逆後沿途搜捕餘匪并赴郡到任日期當經具摺

奏報旋奉督撫臣行知欽奉

上諭丁曰健現回府城。如有應須親出彈壓督飭之處。仍著隨

時親往等因欽此伏查臺地自彰斗克復會擒首逆戮萬生等就誅之後尚有在逃逆黨未盡殲除先經臣策調彰化文武官紳督率兵勇民團會攻小埔心賊巢生擒偽西王陳啞狗弄並拏獲股首張三顯等多名分別懲辦彰化海口一帶賊莊俱已肅清於本年五月二十六日鑄揭馳陳並由署鎮臣曾元福會同具

奏在案嗣又接准署鎮臣曾元福函稱訪聞在逃股首廖談等竄赴麥寮地方卽經派隊到地將廖談登時擒獲並獲逆子廖具頭僞先鋒廖老澍及逆黨廖基等解至行營訊

明正法等由並據署彰化縣知縣凌定國稟報大略相同。是陳啞狗弄張三顯廖談等續已先後就擒惟竄踞北投之股首洪一樣恃與番界接壤往來莫定出沒靡常即逃赴棟東馬彝潭之股首陳鯨等亦恃竹圍堅厚黨與暗結遂至日久抗拒節經飭該處在事文武屢往剿捕雖有斬獲而奉委接辦內山軍務之副將林文明又以本地之人辦本地之匪易生嫌疑報經撫臣徐宗幹查明係屬實在情形飭其毋庸接辦仍將內山搜捕事宜責成鎮道辦理行知查照在案現當郡垣試事已竣南路鳳山等處亦尚靜謐。

而北路之巨匪洪檻陳鯨等久未成擒若不亟圖剿捕熒熒不滅仍覺堪虞適署鎮臣會元福先經

奏明回郡清理積久口糧並裁撤疲病各勇原擬挑選精銳修治軍裝卽往搜捕今臣與其商酌暫留郡垣另行察看情形辦理臣卽欽遵前奉

諭旨先行親往督剿茲定於九月初十日酌帶精勇由郡起身前往北路彰化一帶督飭前後任彰化縣知縣凌定國張世英暨營員紳團人等相機剿辦並將善後一切事宜妥爲辦理但此次窮搜極捕仍須擣穴攻莊斷不能不資兵

勇之力。而軍行糧從餉需又難缺悞。臣目睹時艱。自當力求撙節。卽如臣二年秋間由省渡臺除支給官兵鹽菜等項。並船價之外。僅帶餉銀六萬餘兩。所統省標兵丁。並在臺招募。及接統各兵勇共不下五千餘名。更兼撥給前鎮臣會玉明等。各路軍餉銀一萬六千餘元之多。嗣雖續奉撥解。仍屬匱給。不敷若非撙節動支。迅復彰斗。並將兵勇隨時裁撤。勢必更難支持。現時惟有飭令臺灣府知府陳懋烈於萬難設法之中。勉力籌措。並自行湊借支應。總期餉不虛糜。人皆用命。俾除醜類而重蒼黎。以冀仰副

聖主綏靖疆疆，廓清海外之至意。合將微臣定期先往北路彰化一帶督飭剿捕。並辦理善後事宜各緣由。謹會同署臺灣鎮臣曾元福恭摺由驛四百里具。

奏伏乞

皇太后

皇上聖鑒訓示謹

奏

同治三年十月初五日奉

上諭丁曰：儕奏前往彰化督飭。並辦理善後事宜一摺。北路股

首洪犧恃與番界接壤，往來莫定。負嵎抗拒，棟東馬彝潭之匪首陳鯿等亦恃竹圍堅厚，暗結黨與，狡焉思逞。若不速加殲滅，恐日久死灰復燃，勢將仍肆蔓延，致剿辦又形棘手。丁曰健現於九月初十日帶領兵勇前往北路彰化一帶督剿。著左宗棠、徐宗幹督飭丁曰健統率所部認真搜捕，務將洪犧等逆首悉數弋獲，並將餘匪剿除淨盡，以竟全功而清疆圉。其一切善後事宜，卽著丁曰健妥爲經理。副將林文明以本地之人辦本地之賊，自不免致招嫌隙。所有內山搜捕事宜，卽著責成該鎮道接辦。毋庸林文明前往署總兵曾元福。

現在回臺清理，積欠口糧並裁撤，疲病各勇卽著照丁曰健所擬暫留郡垣。另行察看情形辦理，丁曰健親赴彰化剿匪，所需兵勇口糧亟應寬爲籌備。著左宗棠徐宗幹飭令臺灣府知府陳懋烈於萬難設法之中，竭力籌措。并著丁曰健自行湊借俾供支放，毋令缺乏。將此由五百里諭知左宗棠徐宗幹並傳諭曾元福丁曰健知之欽此。